

Choctaw nation, Laws, Statutes, &c.

CHAHTA OKLA

I NANALHPISA,

NANAPESA

AFFAMMI 1881 CHIIYA KA.


AHLOPULLI TOK.

CHAHTA ANOMPA ATOSHOA.



TANISIN, TEKSIS,
Murray & Dearing, Holisso ai Ikbe.
1881.

Law Office
Indian Nations
Choctaw
2



CHAHTA OKLA I NANALHPISA.

BILL NO. 1.

CHAHTA TAMAHA, AKTOBA 12, 1881.

Nan apesa ittanaha cheto okla hash chiiya ma Miko in anumpa i Karmitte chi hiili tok mat Kanal Peta, P. Pitchlynn, Forbis Leflove micha Capt Chan Mishimvhtabe, ai imma, acumpa hatuk a yok ahmashki. Achi it iyakaya ka holitobli chi huk bano vhnishlike.

Yok ahmashki. Kanal Peta. P. Pitchlynn yammak okat, February 17, 1881 kash Washington Tamaha, Kolambia Uhltih ha aii hile tok, ilap pak okat, nan atoksale afina, fallaya, mi cha isht ayakpa ya chi ho isht aiahauta tok a okla poyutta hatukmat, nan isht ayok pa chitio, tok at, ottanichet anohon la he okat im- aiahl piisashki. Yohmi cha yammak okat, Chahta okla hat ilap i uan ohlpesa ikbit anotakat ahas wa chi, micha nan ohlpisa yat holissa chi ka yammako, nana amona ka ai isht attat ishit mihinti tok, mihmat yammak fihna kash inli ka, Chahta okla hat Mississippi i hashe ak ucha ka maya ma im alla ohliha ha nana ithana hok bano ahnit holisso apisa kia ahiohla he oka aiahnit,—ahanta tok. Na tok sali hatokma yakohmit, ammona kash ishet mihinti tok at kanimima ayokapa iiskshoh aiimomat mahayat ont illi tok oke. Chahta okla i Kafinment atuk mat Kaniohimi hosh amahaya he a yam mok osh aiiba foyukat nan ohltaha ka achetolet, aia tahahle mat, holisso apesa i tale holisso ma i shalih chet ache tolet isht

aiima tahakle tok mak_o, Chahta Nishv_u a himak a holisso apesa poyutta kat ai isht ilapila chit mahaya momashke. Yohmik mat oka isbko keyu, nana kat aiahlp_iisa ahni, aba anumpa ai imma, micha im ai okla aiitti takla ya nana kat achukma biik at aiasha he imma yak_o, ayokpnchi chjuto attuk oke.

Kapitani Chan mishimahtabe mich Kanal Fabis Lefloa ittatoklo ilappato i chukka aia hashwat illet okla tok, ilappak okat yakni ilappa nana atuksalet isht amibiuti am mona tok ash, nana isht vhltokea kat, im aiokla tallaya kat nana isht imachukma he, micha nana kat i shahlet tikba pilah mahaya he ilappok oka aiahni biika yattuk, mik mat Chahta okla hat nana isht ayokpat ai i shahle wakaya he ai imma yako aiahni aiahli Chokash aianuk foy uka yakinli tok:

Hattak annoah ho chukma tochina ilappat illi hosh ai ima kanjheya kat Chahta okla hat nana kat i Ka ia ho fihnat isht impalam mishke.

Nuna nokhaklo isht ottaniche, kaniobini boh chatoh ma ayam-ohmit, Nan apisa ittanaha chito aiachaffa ahliha, micha okla moma i nan vhltoke ahliha aiina kat iishi na nitak pokoli tochi nashke. Kanal Peta Pitchlynn Kanal Forbis Lefloa, micha Kapitani Chan Mishemohtabe aiina i chukka achaffa ai yukali ka, yakohmoshki. Achi ilappak atuka holbat toba aiahli ya. Holisso chi cheto yat imatahlohke, Kanal Peta. P. Pitchlynn, Kanal Forbis Lefloa micha Copitani Chan Mishi mahtabe ahanchi ka isht ith aianat hole tobliche kat, Aktoba nitak 14 Folaiite hekit. Satiti ont aiahle 1881 ka Nanapesa ittanaha cheto yat tishilashke.

Anumpa pakna takkale tok ai imma ilappa himak ano ont ilakocha he oka ahnit ha chi kamitte yatukmat asihl hashke.

Hachi hvlitoblich,

J. B. JACKSON,

Kommitti Pehlich.

Aiokpachi, Aktoba 13, 1881.

J. F. McCURTAIN,

Chahta Okla i Miko Cheto.

BILL NO. 2.

Holisso chi Cheto nan isht aiatta he mieha isht imvhltoaba aiena hea Aktoba 16, 1860, kash aiahltaha tok at inlat "ahlkata." Nan vhlpisa:

SEK. 1. Chahta Okla i nan apesa ittanaha cheto ittafamat chieya ka yakohmit vhlpesoshke. Nan Apesa okla hat tishili tok a i chekose aiyukali ka, Holissochi chito yat, Nan vhlpisa. Resolu shan putta; Tali holisso sholi, micha i holissache, aiena kat nan annoa kahpoli tuk putta ka, holisso tohbi achukma hq, micha kallo achukma hq hohltina ahlpesa ka onachit na hollo anumpa, micha chahta anumpa ya tale isht i cholit atahlikmat Chahta Okla i nan vhltoaka hieli ka, anumpa miah toklo ka imatahle biikashke: Mikmat Nishan at nitak himak pilah ha abanna hokmat, isht imvhltoaba hia, okla putta i Holisso aiasha ya anumpa hat inla Bika hq auahtoklo toklo ka ai imilatobashke. Atuko yamma aholbat toba Talli isht i chowa tok at himak ma, atampa kat asha hokmanq, elapo nanih cha chi mak osh, holissochi cheto yat, kampihelushke.

SEK. 2. Himak ma yakolmit vhlpesashke, aktoba 17, 1860, nan vhlpisa toba na aikopachi tok sekshon 3, takali kat ilappak atukma, aikshoshke. Nan vhlpisa ilappat nar apesa ittanaha chito.—Chiiya aiyuka lik ma, anumpa tosholet holisso che chatuk akq akshocha he akq aiahni hatok oke. Mikmat anumpa tosholet holissoche atokolet imatobba he, ahanchi nan vhlpisa hat aiatahli tok yamma aiatak kale kat, pit amomat kuchashke.

SEK. 3. Himokma yakohmit vhlpisvshke. Chahta Okla i holisso chi yat, afammik ma isht ai im vhltoaba chatuk at, nan vhltoaka nan isht aiahantat nan isht imakanheya poyutta kat, micha himak ma toksala chi, imbafoka tok ieina kat isht atobba chi ka \$350,00 hosh afammi aiyuka ka himak ma, imbafokat isht im vhltohabashke. Afammi aiyukali isht imvhltoaba he, ahanchi kash ilapo inli Satifiket ikbi hosh imvhltoho bashke. Mikma Okla i Talli holisso sholi i Holissochi yat "Wallent" isht ai imokma, Okla i Tali holisso sholi yat yammak atokma atobbashke.

SEK. 4. Himak ma yakohmit vhlpisashke. Nan vhlpisa ilappat vhlpesat hlopulli ka aiahlit ia kat aiahlit holittovshke.

THOS. D. AINSWORTH,
Anumpa Bohle.

Aiokpachi Aktoba 17, 1881.

J. F. McCURTAIN,
Chahta Okla i Miko Cheto.

BILL NO. 3.

Nā hollo nan ataklammi maya tok a Tashka chapota yat okla toshpa hochukma fihnat toksali, achuking isht a hashwat kocha wihlet tahli tok a Yunaitet Stits okla hatukma anayuk pa aiahli tok at ottani chit; Yakohm vshke achi:

Chahta Okli i nan epesa ittanaha cheto ittafamat cheiya ka Yakohmashke. Mosholi tabe Uhltih ha na hollo nan atak lammi yat aiasha tok, micha M. K. micha Tikisis Talli hina ataya yamma abaiya Ka aiasha tok a U. S. hattak api homna okla nan isht ima ta Col. John Q. Tufts atukmat tashka chopota isht ilapilachit pihlei che cha, nan ikachukmo ka ona he fihna, micha kanimma ho lauāt abinilit aiasha hokma nana atak lama kat atakalit i shahlet ilikallo chet mahaya tok a ont ayokoplet taiahla che kat atoshpa fihnat ache ke, makinli ho akocha wihlit taiable tok a Okla poyutta Kat momat na yokpa fihnat tok ak osh, Chahta okla hokat imilottam chit anohanla he okat aiahue tok toke. U. S. Tashka chopota yat yakohmit okla ha ai i toksahali ma, Chahta okla hat nana kat ai mi vhlpisa, micha ilap i nan vhlpisa ittoyū akak ohkia, ayohma he a ont aiahlpeisa hokma, keyokmat Chahta Okla ha nana imahna he aihhlpeisa hoshmia hokma, U. S. Kafimint at ai i holitoblichet aiahli cha hinla ka isht ot'ani kat aiahlishke. Yohmi cha himak pilah hak oh kia, Unaitet Stits micha Chahta Okla aeina imittitakla ittikana hosh ahashwa chatok, micha anumpa itti holitobli chatuk at immomat mahaya chi ka, ayohma heat aiahlpeisa kat asha hokma, Chahta Okla hat himak pilah hak oh kia, tashka Chopota Okla hat ai i toksali ka aiasha he a, yohma hiakinli chishki abni kat momashke.

Yohmi cha "permit" nan vhlpisa ittoyola ka aiokpachit holitobli tok ai imma ka, im aiokla nan isht ahanta i holisso che, Hattak api homma i Kami shana, micha Laya Cheto aeina kat nan vhlpisa ilappa kanimiht isht aianokfillet aiahltokoa ka anumpa ha hayakachit i bohli tok a; Chahta Okla hat Yakoke, aiahni hakin lishke.

Miko Cheto yat ayohma heat im ai ahlpeisa cha, yak ohmashki achi ilappa aholbat toba ya, Secretary of the Interior, Tanap anopoli i Holissoche, U. S. hattak api hom ma i Kami shina laya cheto, micha U. S. hattak api hommi nan isht imatta Jno. Q. Tufts aeina ka i pilashki Vekohmashki, ache ilappat hlopulli ka aiahlit ia kat aiahlit holittoposhke.

J. B. JACKSON,

Miko in Anumpa i Kamitti Pihliche.

Aiokpachi Aktoba 19, 1881.

J. F. McCURTAIN,

Chahta Okla i Miko Cheto.

BILL NO. 4.

Akinsa Stit Fort Smith a D. L. Payne a anumpa ono chet i-ht aiasha ma D. W. C. Duncan at, nana atoksalet isht ahanta heat ahtokoa cha toksa hali tok at isht imvhtoba che ho, nan isht apesat i Bohle. Yvokhmushke. Ache.

Yvokhmushke. Akinsa Fot Smith U. S. Koat itikba ya D. W. Duncan at D. L. Payne a anumpa onochit isht ahanta tok at. Tali holisso nana hosh nan isht ik vhlpiso kisha yat ittola hokma ako chat \$500. Kat isht im vhlptoba chi ho lappok atukma, nan isht vhlpesat ittolashke. Mikma Nishan "atita" yat ilappok atukma aeiya ya tale holisso ishithoyo ya imikbik ma, yammak atukma, Tali holisso shole yat atobashke; Mikme Yvokhm vshke. Ache ilpupot hlopulli hayat aihlit holittopsvshke.

J. B. JACKSON,

Miko im anumpa i Kamitti Pihlich.

Aiokpachi Aktoba 19, 1881.

J. F. McCURTAIN,

Chahta Okla i Miko Cheto.

BILL NO. 5.

Hattak nan isht atta impunna achaffa ka Mika Cheto yat atokole na Missouri, Kensis Micha Tiks Talli hina bachaya kat Chahta Okla ha ahika ai inatakkale ka, vhlptoba chi ka anumpa ono chit isht ahanta he okat im ai vhlpeisa, Yvokhmushke ache:

Chahta Okla i nan apesa ittanaha chito ittafamot chiiya ka Yvokhmushke. Hattak vhlpesa nan isht atta impunna achaffa ka okla ahanchi ka ajachaffa Yo Senit at ahlpesa ahnit imayokpache ho Miko Cheto at atokole na, Nan ahtoka yammak i Chohmi Chekasha, okla aiahltobat kochat minte tok a aitta toklo hosh Missoli, Kensis Micha Teks Talli hina yat, Chahta Micha Chikasha ittaloklo ka, aheka im itakkali ho aheka imvhtoba banna. ahshwa ka yammok atuk ma anumpa onochet isht ahshwat, ishit mahayat Aheka ya imissa na, ahoyot ittahobbit taiahli haya chi ka imahnit imasih hashke. Kana hosh yvokhmit vhlptoka tok at nan isht imaka nihiya tok ano, Chahta Okla hak osh attobashke Okla ahanche toklo, ilappa akuchat nan isht ahshwa kat laya nana ho atohohno tok okma, aheka yammok atuka kaniohmi kak o atobbichet ittahobe tok ak osh, yammak atuka, akucha, ahlptoba

vhlpesa kat isht im vhlto bashki. Chahta Okla hato, ai imvhlto ba he, ahanchi ka kashapa oshtakma Kashapa tochina Kak o akuchit imatobbtshke. Chahta Okla ha aiahltobat ko chat aya hi ahanchi tok at, Nana illappa ai isht ahanta na, nana hosh akaniohmi tok putta nan isht annoa ya, Miko Cheto yako, ibohli tok ma, anonti yammak osh non apisa ittanaha cheto ya itikba i bohlahske Mikma yakohmnoshke achi ilappat hlopulli ka aiahlit ia kat aiahlit holittopashke.

J. B. JACKSON,

Miko in anumpa i Kamitti Pihlich.

Aiokpachi Aktoba 20, 1881.

J. F. McCURTAIN,

Chahta Oklo i Miko Cheto.

BILL NO. 6.

Chahta Yuhni, Miko nan isht ai, atta. }
Aktoba 21, 1881. }

Chahta Okla i nan apisa aboha akni hash Cheiya Ma, Aktoba 20, 1881, kash yokohmvshke, achet aiokpache tok, yammak Missouri, Kensis micha Teksis talli hina ataya yamma, Chahta micha Chikasha okla, ha, ahika ai imatak kali ka anumpa onochit atobbi cha he a Miko Cheto yat hattak achaffa Kanimma kia atokola heg imi hesa tok mako. Allen Wright holittopa ilappa ilappak okbano ahnit atokolit bihlipli lishke, hatok osh aiahlit holitolet ahlopulli hukbano ahni lishke.

Achi holitobliche,

J. F. McCURTAIN,

Chahta Okla i Miko Cheto.

BILL NO. 8.

Skallifil Kankti yo ant isht aiopi ka Shalif hiki toka abi tok, hattak abi yammok atukma yoka chit isht ona cha, isht imahlto ba chi ho nan isht apesat nak sika bohli; Yakohmvshki achi.

Chahta Okla i nan apisa ittanaha Cheto ittafamat cheya ka Yakohmvshke. Hattak achaffa William Hughes, Yunaitit Stits aiachaffa yosh, pih yammihchi banna apissali hosh, skallifil kanuti

ĭ Shalif. Josif Liniya atokma, Septimba hashi anukaka 1881, ka, Skallifil Tamaha, Skallifil Kaunti anuka ka yo aiahabi to ka, nan abi yammak atokma Yokachet Fot Smith U. S. Koat a isht ona kat, \$1,000 hosh isht imohltoba chi mako, talli holisso nan isht ikahpeso kisha nana hosh ittonla hokmat, ilappak atokma akuchat nan isht zhlpesat ittolashki.

Himokma yokohmushki, anumpa pakna takkali nana ai ĭ kahahli tok ilappa, Miko Cheto yat annoacha he oket im ai vhlpeisashke, atuk osh William Hughes ahanchi ka, U. S. Marshal at Fot Smith Akinsa ya isht ona ka, imannoa hokmat, yammak atokma, yakohmi tok achit, Okla ĭ Tali holisso sholi ĭ Holissochi ya haklocha he at Miko hito yat homak ma ai im chlpesoshke. Yohmikma yammok atukmot. Talli holisso ishit yoyo ya isht aiimashki. Mikmi Talli holisso sholi at mihmak atokma atobbushke mikma yakohmashke, ache ilappat hlopulli ka aiahlit ia kat aiahlit kallot ittoyulashke.

B. J. PICKINS,

Talli holisso ai imma ĭ Kamitti Pihlich.

Aiokpachi Aktoba 20, 1881.

J. F. McCURTAIN,

Chahta Okla ĭ Miko Cheto.

BILL NO. 8.

Atoka heket Boggy Depot ia hina yammak hlabita bok okshauali yat ahlopulli ka Jno. M. Hodges at itti patahpo aiik bichit hlopulli chi cha okhisa ya ai ikbi cha chi ka nan vhlpesa yat imissa, Nan vhlpesa.

SEK. 1. Chahta Okla ĭ nan apesa ittanaha chito ittafamat chieya ka yakohmit vhlpesvshke. Atoka ya hiket Boggy Depot ia hina yammak hlabita bok okshauali a hlopulli ka yammak Taliwa bok at ont asitili ka Sokbish imma ka Chan. M. Hodges at itti palahpo aiik bit hlopulli chi cha, okhisa atakali chvshke. Yohmi cha nana ka yak yakohmi hachi hokmak ashke. Hlabita bok achit paknakna ilappa takka lit isht annohova ka, Chan. M. Hodges, at itti patahpo kallo achuk ma aiik-bichi cha, itti patahl po ahanchi ka ittihlak laka bika ahlpesa tahlipa ushta cha pokoli ushta aiina ka hina ya achukmalit ikbi taiahli hokmat Nishan ilappa aiachaffa yanq zhltoaba ik ai ĭ hoyo hosh, amba ĭnla, kana poyutta hosh, itti patahpo yamma ahlopulli;

hokma, ahltoaba ya ai i hoyot ihishi kat ialli ya yakohmit mahaya ho ai i hoyashke. Itti chanalli chanaha ushta ha, keyokmat itti chanalli inla nana hohkia, issoba ushta, issoba haksobish falaya. keyokmat waktoksali yat ushta keyok mat atampa ho isht ayat ahlopulli kah itti chaualli ishi pit aainakma, Sent pokoli tahlapi (50 cents) aiyokat iashki, anonti itti chanalli chanaha ushta, keyok mat, itti chanalli inla nana hohkia issoba achaffa, keyokmat, atampa, keyokmat haksobish falaya, Keyokmat Waktoksali yosh balalli ho ahlopulli kat isht aya pit amomak ma, ishkali toklot ia ho atubboshke. Hattak ilap achaffa micha issoba aainakma Sent 10. Hattak akkaya achaffa aiyuko ka Sent 5. Nan chlpoa, wak, issoba, shokha, micha chukfi. Keyokmat, nan chlpoa inla nana kia, pihlichet isht ahlopulli hokma, achaffa ka Sent achaffashke.

SEK. 2. Himok ma yakohmit ahlpesshke. Okhisa ya aikkichet uhtoba ahoya chi ho ilappa aiimihesa toka Chan. M. Haches a: ittipatahlo ahanchi ka aiahlit ikbit atiahli hok mako ont aheket aiahlit iashke. Yohmi hayok mato, Itti patahlo ya aiiskichet hina aima ka achukmalit ikbit tahahle, aiahli kat ishit mahayat, anumpa ilappat ai imissa tok a ilappa afoyoka kat afammi ro hokang misha keyo kashki.

SEK. 3. Himokma yakohmit ohlpesoshke. Anumpa ilappot ohlpesat hlopulli ka aiahlet ia kat, himok pilah ha aiahlit kallot ittoy ulashke.

Martin Charleston,
Pitishan i Kamitti Pihliche.

Aiokpachi Aktoba 21, 1881.

J. F. McCURTAIN,
Chahta Okla i Miko Cheto.

BILL NO. 9.

Atoka Kaunti anukuka Haeyep Cheto nan aiatokoli yatuk a Kanalli chit oka alikchi yak pit ahiliche nan chlpesa.

Chahta Okla i nan apesa ittanaha cheto ittafamat chie ya ka yakohmit ohlpesashke. Atoka Kanuti anukaka haiyip cheto nan aiatokoli yoh chatuk at kanallit haiyep cheto i falammi imma Kawih tochina foka, oka alikchi kako pit ahekushke, yohmi cha isht ai ithaiyanat oka alikchi nan aiatokole yo hohchi fashke.

Yohmik ma nauwalpesa ilappat hlopulli ka aiahlet ia kat aiahlit holittohashke

B. F. SMALLWOOD,
Anompi Bohli,

Aiokpache Aktoba 25, 1881.

J. F. McCURTAIN,
Chahta Okla i Miko Cheto.

BILL NO. 10.

CHAHTA TAMAHA, C. N., Aktoba 26, 1881.

Nun tpeasa ittanaha cheto okla hosh chieya ma:

Chahta Okla i holessa che cheto yat Nan uhlpesa Kamipila tok o:h, nan annoah bohle tok o, yammak atok at hachi Kam mite ya ibbak foka tok aiena ma aiahl pesa tok a holitobliche hokbano ahuishke.

B. J. PICKINS,
Tali holisso aiena ma i Kamstti Piliche.

Aiokpache Aktoba 27, 1881.

J. F. McCURTAIN,
Chahta Okla i Miko Cheto.

BILL NO. 11.

CHAHTA TAMAHA, C. N., Aktoba 25, 1881.

Nun apesa ittanaha cheto hosh chieya me:

Nan aiapesa tboina ya, Chon Freeney yat ai ishkia che tok osh aheka bohle tok o; hachi kamitmitti yatukma ibbak foka toka, nan annoah ya kohmi ho chi Bolishke.

Chahta Okla i nan apesa ittanaha chito ittafamat cheiya ka yakohmtushke. Nan aiapesa oboha ya Chan Freeney yat apoksiachi tok micha yamma apakfopa ka aieshka tok at Tali holisso nana hosh nan isht ikohlpesa kisha yat ittola hokma \$79,94 kat ilappak atukma nan isht uhlpesat ittola cha isht imahlto bashke.

Mikma anumpa yakohmtashke achi ilappat hlopulli ka aiahlet ia kat, aiahlit holittopashke; mik ma "Ateta" yat yammak atukma tali holisso isht hoyo ya ia Kayat imik bashke. Mikma Tali ho'isso sholi yat atobhashke.

B. J. PICKINS,
Tali holisso ai imma i Kamitti Pihlich.

Aiokpachi Aktoba 27, 1881.

BILL NO. 12.

Okla moma i Hina ya ikoktablo ka chi, keyokmat ik akammo ka chi nan ohlpisa yat ik atable, Aktobe 8, 1836, ka aiokpachi tok a aeinlache Nan ohlpesa.

Chahta Okla i Nan apisa ittanaha cheto ittafamat chieya k yakohmit ohlpesashke. Hattak kana kia, achaffa keyokmat kanohmi hoh kia, himak a, keyokmat, himak pilah ha, Okla putta i hina yatuko, oktable, keyokmat, himak pilah ha, okla putta i hina yatuko, oktable, keyokmat aiettnaha, keyokmat holisso apesa yo pit hina yatuko, holihta nana ho kia aiek bichet oktable tok okma, Kanimma yo nan aiok tapa yamma chohmi kat atakale hatok okma, yamma i Kaunte Koat ak osh. ik kaniohmikea hina achu kma ka ikbit apakfople, keyokmat holihta itti takla hina Kanimma yo amintit achoakoat out akocha yatuk okma, yamma ahlhli bika ka holihta okhisa ai ekbichit hiohliche na, holihta yomi ka pilla achokoat ahlupolit aietta noho wa chi ka aiahtaha bie ka chi ka imapesash ke.

Himak ma yakohmit ohlpesashke. Hattak kano hosh, keyokmat Kanohmi hoh kia, hina tikba ahanchi hatukma aioktable, keyokmat, akammit ahanta toko Koat at nana imapesa tok a ik kihlo, keyokahaksichet ahanta hokma, Is Kalli fina yo \$25.00 ka Kaunti Koat at atobbi choshke. Yohmi na—Talli holisso hohltina yammak atuk ako, hina achukma ka ikbit holihta ya isht apakfopliche holihta itti takla hina ikbit hlopulli che, keyokmat holihta okhis; ya ahiohliche na, holihta, yam ma chomi ka pilla ahlupolit ittanoa howa chi ka isht ahtaha chi ka ahnashke.

Himok ma yakohmit ohlpesashke. Tali holisso achaffa ahtoba i Kaniashki, achit Aktoba 8, 1836, ash nan ohlpesa tobat aiahtaha tok yemmat ilappak atukma aick shoshke. Mikma nan ohlpesailappat hlopulli hayat yamma aiablit ia kat aiahlit holittopashke.

ALFRED WRIGHT,

Anumpa Bohli.

Aiokpachi Aktoba 22, 1881.

J. F. McCURTAIN,

Chahta Okla i Miko Chito.

BILL NO. 13.

Nan aiapesa aboha ya Chan Freeney yat apisachit halalit Kashoffi tok at isht imahltoaba chi hō yak ohmushke, achi at nan isht apesat i Bohli:

Chahta Okla i nan apesa ittanaha cheto ittafamat chiiya ka yakohmushke. Talli holisso nana hoh kia nan isht ik vhlpiso kisha yat ittonla hokma, Chan Freeney yat December 18, 1880, kash aiahlit mihinti kat himak, nan aiapesa aboha ya halalit micha achifat tok putta hō isht atobba chi hō \$50.00 ka ilap pok atukma nan isht apesat i bolishke.

Himak ma yokohmushke. Yakohmash ke achi ilappat hlopulli ka aiahlit ia haya at aiahlit holittopashke.

THOMAS BYINGTON,

Anumpa Bohli,

Aiokpachi Aktoba 31, 1881.

J. F. McCURTAIN,

Chahta Okla i Miko Cheto.

BILL NO. 14.

CHAHTA TAMAHA, C. N., Aktoba 26, 1881.

Nan apesa Okla hash chieya ma:

Chan A. Mitchell micha inlaka chomi chahta iba hohltina banat nan asihlha anumpa bohliit maya toko anumpa yammak a tok at hachj kammitti pia ha pibbak fohoka toka, nan vhlpisa it iyakaya ilappako holitoblichichokbano ahnit ashl hashke.

Chan A. Mitchell micha Ittibapishe mikmat i tik ahliha micha yamma anonti, imalla ahliha aiena ka. Nan vhlpesa yat Chahta okla ai ila hotih nachet ishe, Nan vhlpesa.

Chahta Okla i nan apesa ittanaha cheto ittafamat chiya ka yakohmit vhlpesoshki. Chan A. Mitchell, Wm. L. Mitchell, Verguciro Mitchell, Anna M. Mitchell, micha Mrs. Selina Y. Bonner, micha Yamma imalla Ahliha, Franklin A. Bonner, W. F. Bonner, Michä Emily E. Bonner aima ilappat, Nail i chukka achaffa yakopit abachaya hatok osh, chahta okla hō isht aiiya banoshke. Ilappat Robert Nail i tik Mrs. Emily Yates atok osh illi tok o Yamma ipok, anonti ipok out otukla ahleha hattok. Ayakohmi hatok osh Nis han ahanchi ka aiiba hohltnat nan ist imachukma he, micha

Ishtayukpa mikmat isht im aiahlpīisa aiina ma aiimitti laui hiikat fol-
lotoshke.

ELIJAH BREWER,

Anompa Bohle.

Aiokpachi, November 1, 1881.

J. F. McCURTAIN,

Chohta Okla i Miko Cheto.

BILL NO. 15.

M. Mary. Rogers micha inlaka aiina ka Chahta Okla hat aiila hotih
nachit ishih, vhlpesa:

Chahta okla i nan apesa ittanaha cheto ittc famat chiiya ka yak-
ohmit vhlpesashke. Mary M. Rogers micha i Hattak B. F. Rog-
ers, micha imalla ahliha. Wm. F. Rogers, Mary I. Rogers micha
Isaac L. Rogers; micha Sophia A. Flint, yammāt Mary M. Rog-
ers i hattak tikba ittatoklo makō Ushitik Attuk; yohmi hosh ilappat
yakō aia achaffa yatuk osh Nishau aiiba hobitina cha, nana kat ai
immi Krebs i Chokka achaffa isht ai im vhlpiisa, mikmat isht
ayukpa aiina ibai iishit ahghwa he at im aiahlpīisashke. Mikma
anumpa ilappat hlopullika aiahlit ia kat aiahlit holittoposbke.

ELIJAH BREWER,

Nan Asihlha i Kamitte Pchlichī.

Aiokpuehi, November 1, 1881.

J. F. McCURTAIN,

Chahta Okla i Miko Cheto.

BILL NO. 16.

Okchamali Kannti Amikaka, Nanih takali nan aiatokoli yatak a
Kanallichet Felitalfia aiitta naha yakū pit ahilichi. Nan vhlpesa:

Chahta Okla i nan apesa ittanaha cheto ittafamat cheiya ka
yakohmit vhlpesoshke.

Okchamali Kauuti Anukaa, Nanih Takali nan aiatokoli yatuk
at ilappak atukma akanalit Nanih takali ya imoka mahli imma Ko-
wih 3 foka, Filitalfia aiittanaha yakō pit ahika cha, Filitalfia nan
aiatokoli achit isht ai ithai anashki.

Mikma Annupa ilappot ahlpesut hlopulli ka aiahlit ia kat aiahlit holettopashke.

ALFAT WRIGHT,

Anompa Bohle.

Aiokpachi, November 1, 1881.

J. F. McCURTAIN,

Chahta Okla i Miko Cheto.

BILL NO. 17.

Spinsa Ekiatmi abekia chi ka, aboha himona Atoba chi ho yakohmushke achi at imatahli:

Chahta Okla i nan apisa ittanaha Chito ittafamat Chiiya ka yakohmushki. Kaimishi Kaunuti Anukaka yako Spinsa Ekiatmi yat Ahekia Chihō aboha himona Atoba chika tali holisso nan isht ahlpisa ailaikyukali himakpilah annohowa chi, illappat \$15000 kat ilappok atukma akuchat nan isht ahlpesat ittolashki. Chukka atalaya chi hokato, Hon. C. E. Nelson at aiatta ka imoka mable, micha hashi akucha ka aiittin takla pilah imma kowih toklo fokka kak achi ho: Holisso apisa i nan atoni okla hiili kat aiittibai achaffa tok ak a chi hoke. Hohltina moma kat yakohmushki; Spinsa Ekiat mi yat ahikia chi ho abo a himona tobo chi ka Nof 4th, 1880, kash nan isht ahlpesat ittola tok a \$900.00 kak illa hosh himonosi ya ittonla Kak achi hoke.

Nana aiahltoaba a akochat ittola \$3,287.50. Kat nan ist ahltobat iktaho tok osh Cholai 31, 1879, ash nan isht ikohlpeso moma ho holisso apesa i Supaintentint a impota tok o, Anonti Tali holisso sholi ya i falammi chi tok ak a chi hoke: Tali holisso ahoyo imafammi Cholai 31, 1881, taha aiahli, ittita kla nan ohtoba akuchat okahpoat ittahoba tok \$5,406.25. Michi tali holisso ahoyo ima fammi Cholai 31, 1882, ont ai ahli ittita kla nan ohtoba akah poa chi \$5,406 25. Kak osh aiina hashke.

Himak ma yokohmushke. Spinsa Ekiatmi yat choka himona toba chi ahanche kash itti aboha yosh, aboha yat aba ashak mat, itikba ya, aboha patha kat eye 93 hosh aboha apili fihna yat i hoshontika toklok mat falaya kato eye 105 bi kak mat ishit holmo yat isht ishko toba yosh ishit holmokmat aboha yammat moma kato aboha 28 hashke. Yohmi hosh aboha yammat Septimba Manti Ammona 1882 ya ahltaha na holisso pesa ya isht awakaya chi hok mak ashke. Himakma Yakohomashke. Holisso apesa i nan atoni

ahliha hiili tok ak osh apesa ho holisso apesa i Supaintentent at Tali holisso hohltina tikba a hanchi Kash Satifikit isht ai ikbit ima ho "Atita" yat "Wallent" ikbit ima hokma, Tali holisso sholi at yammak o aiyakayat imatobbo ki. "Yammak okong yohmi hak-inli kia." Nana ka aittim apihesa tok ako aiyakayat aboha hem-onā toba chi ahanche kash moyoma ka ont ataiable hayo keyn hokano nan ittim apesa hiili tok a \$15,000, ahanchi hatukma akasha pa kanihmi hoh kia isht ikimatobbo kashke.

Himakma Yokohmashke. Holisso apesa i nan Atoni Okla hiili, ahanchi hatuk mat nana aisht ah ashwe tokat, nan annoah ha i boh-lashke. Mikma Yakohmashke, achi iloppat hlopolli hayat, himak a aahlit ia kat ajahlit holittopashki.

S. W. GARVIN,
Anompa Bohle.

Aiokpachi, Nofimba 5, 1881.

J. F. McCURTAIN,
Chahta Okla i Miko Cheto.

BILL NO. 18.

Aktoba 30. 1877, kash nan ohlpesa toba na Kaunti Chatch ahliha ha ohltoba ya, imba foke tok nan ohlpesa ya, akalli:

Chelita O la i nan apisa ittanaha cheto ittafamat e'liya ka yakohmit ohlpesoshke. Kaunti nana hoh kia. Kaunti yamma aianukaka nana aihltoba kabpoa ka aishli kat \$500 ka afammi ach'afli, ka kaunti. Yammai Chatch at im aiah toba ittonla ka. Anonti himak ma \$50.00. Kat imahltobashke. Yakohmit nan ohltoba Kabpoa na yamma aiahltoba aihishi putta kat \$500 ka himak ma aiahkahoat ittahobit ishit ma'aya fokmat \$50.00 ka aihba fokut im ohltobobashki, yohmit mahuya kat nun ittahoba ai i hishi kat \$1,500, ka ona hokmano yammak osh ont imai ahlashke. Yohmik Manq Kaunti Chatch ahliha hat afammikma himak ma \$50.00 ahltoba yat iba fokka he ahauchi kash, himak ma ik im ohltoba kushke. Yammak okauo yohmi hakinli kia, chltoba yat himak ma iba fokat imahltoba he nan ohlpesa ilappat ahanchi tok ilappano, Kaunti tali holisso ako akuchit isht imatobbi hashke.

Mikma nan ohlpesa ilappat ahlpesat hlopulli tok at Chanoali 1, 1882, Yammako ai ahlit ia hayato aahlit holittopashke.

THOS. D. AINSWORTH,
Anompa Bohle.

Aiokpachi, Nofimba 7, 1881.

J. F. McCURTAIN,
Chahta Okla i Miko Chito.

BILL NO. 19.

Okla mōma im issobō binili yat isht imvhltoaba chī Kā ytkoh-mashke ache:

Chuhta Okla i nan apesa ittanaha cheto ittafamat chīiya ka yakohmōshke. Himak nan apesa ittanaha cheto chīiya aiittin taiakla Kā Issobō binili hochito at aiiba tokla ahashwa tok nitak apissali kako nitok achaffak mā \$2.00 ia hō, Miko Cheto akosh holisso imakmā, imvhltoaba chī ka ilappak atokma ai imisstshki, yohmik ma. Atita "Yat Wallint" ikbit aiimōshki, Yohmikma Himak nan opisa okla ittanaha cheto yat isht imvhltoaba chī hō nan isht vhlpesat itto-la tok akō akuchi hosh tali holisso sholi yat imatobbashki.

THOS. D. AINSWORTH,
Anumpa Bohle.

Aiokpachi, Nofimba 9, 1881.

J. F. McCURTAIN,
Chuhta Okla i Miko Cheto.

BILL NO. 20.

CHAHTA, TAMAHA, C. N., Nov. 8, 1881.

Nan apisa okla hosh chīiya ma: Spinsa Ekiatmi Sepokui ya nan a aiimilayak aiasha putta ka Board of Trustees ak oshnaka nihchi hokbano ahni aiimma anumpa hat hache kamitti hiili kā anumpa it iyakaya yakohmi hō hache bohlishke.

Chuhta Okla i nan apisa ittauaha cheto ittafamat chīiya ka yakohmōshe. New York Presbyterian iksa ahash wa kā nan ist imatta. Rev. O. P. Stark ilappak osh ayohma he vt im aiahlpīisa cha. Spinsa Ekiatmi sepokni nana ai imme aiina ka mominichet halali cha nana kat okpola hinla putta tok ano, ahltoba kaniohmi ittialli hō Kāmpila hinla aiahli hokato mominichet kāmpila cha Spinsa Ekiatmi ya chī kā aboha himona atoba chī tok a yamma i bileka, yakni ikcheto kia alaposh kichit isht aiahashwa kat yammak osh ekiatmi immih nana i toksali ahni hosh, isht ahashwashke. Yammat holisso pesa yat kaniohmi kako isht wakaya hokmat nana choponta waya kia ai isht ilapilacha chī. Mikmat nanah waya ilaiyukali kaniohmi kako abanna kat ahokchit awaya cha chī kak ashke.

Himakma yakohmōshke, E. W. Tims Uhlth Atokla i Cholastis

atukmat ayohma heat im aiahpiisa Cha Spinsa Ekiatmi sepokni ya abeka Kaniohme hosh ima minti' micha imitakali tok putta ka nan annoah i bohlahske. Mikma yakohmashke, ache illappat ahlopulli hayat himak pilah ha aiahlet ia ka aiahlit holittoposhke.

J. B. Jackson Hollisso apisa i kamiti pihlichu "Sekshan" Ammona ka akalli." Yammak okano yohmi hakinli kia Uhlih Atokla i Cholaste yatuk mat nan i layak nana hosh illappa ai annohowa tok a mominchet hollisso chet tahli cha, himak pilah nan apesa ashak ma, nan annoa i bohla he at imohlpesoshke.

J. F. McCURTAIN,

Chahta Okla i Miko Cheto.

Aiokpachi, Nofimba, 9, 1881.

BILL NO. 21.

Nofimba 4, 1879, hollisso apisa i nan ehlpisa toba na aiokpachi tok a isht ik aiong aasha ka nan ehlpisa hat isht alotole.

Chahta Okla i nan apisa ittanaha chito ittafamat chiiya ka yakohmit ehlpesashke. Chukka lokoli hollisso apisa i Cholastis ak osh ilap i hollisso apisa putta ka apisacha chi ka, hattak imanokfila nana achokma biika ahni, micha nana kat anok tala biika ahni yakoh hollisso pisa cha chi ka tohno cha, yammak osh imomaka pisa chi ka. Uhlih Cholastis ahliha ha pit i tihli he lashke, Atokoh imomaka pesa ka ahlpisa hokma, hollisso pisa cha chi ho. Uhlih Cholastis ahanchi hotokmat satifikit a ihmohshke.

SEC. 2. Chukka lokoli hollisso apesa putta kat itti belika kat kowih unochina ho ahiohlichu hokato iiksho kashke, ache nan ahlpesayamma akashapa tok at ilappok atukma aiakshoshke. Yohmi na Chokka lokoli hollisso apesa poyutta ka Chahta alla hollisso pesa pokoli ka ona cha hiula hokato, chuka lokoli hollisso apisa poyutta kat okla i hiohlahske. Yohmekma hollisso pesachi poyutta kat alla hollisso pesa achaffa ka hashi achaffa ka \$2.00 ia ho imohltobashke. Yohmikmat hashi achaffa ka hollisso pesa yat nitak 15 ka ola takla ho hollisso pesa tok okma, nitak achaffa ma, hollisso pesa achaffa ka sent 10 ia ho imohltobashke.

SEC. 3. Yohmik mat chukka lokole hollisso pesa yat isht ia hayat, keyokmat ittafama hayato, nitak hollo nakfish o keyu hokma

nitak hollo ittītakla ya hashi kauallī haunali aiyuka ka nitak aiyuka ka imalba han chash ke. Yohmi cha hashi kaualli yat out aiahlpiisak ma ittafamat anonte tishihī hīlshke.

SEK. 4. Holisso pesachi Kanimma hohk ia, alla nana ima bachet ahanta, keyokmat holisso apesa ya nana ai im ahni kak akma, keyokmat holisso pesa che yat pih nana ikil ai ahlpisalot ahanta hokma, keyokmat, ikai ahlot ahaksichi, keyokmat achibalī hokma nanat ahanta poyutta ka. Mihmajnli ho Chokka lokoli holisso apesa i Cholastis Ohliha hatok mat ilap im aihltih, Uhlthi i Cholastis aiyukale ka nan annoah ha ihimvshke. Yohmi na nan annoah yakomi ka ishi hokmat, nana hosh akaindhmi tok anom pa aiyukali ka Uhlthi Cholastis Otukmat mihmakini ho afanoli chet ishit mahayashke, Atuko Anompa isht on onottola tok at aiahli hokma. Holisso pesache ahlika yomi tok a Uhlthi i Cholastis at yokopliha heat im aiahl piisvshke.

SEK. 5. Holisso apesa nan isht aisha i nan ahlpesa ho chukma putta kat aiahli holittopa na, i holisso apesa putta kat aiittilai achukmat mahaya chi ka "Lokel" Cholastis at aiahli achukmat, holisso pesachi ahliha ha holisso pesa yat oklo holitob la chi ka imahnashke.

SEK. 6. Nofimba hashi, micha April aiina anukaka afammi aiyukali holisso pesa ashā ka ilap im ai Uhlthi Cholastis aiokali hat ai inowat ittono hōwa he a ilappok atokma ai im chlpesashke. Atok osh yammak atukma iyakayat holisso apesa ya aiinowa hetok at okla ik aiahlo aiokali hokmat yamma yohmi aiyuka kat \$50.00 kat onottolashke. Holisso apesa i Supaintentent a chuka lokoli holisso apesa i Cholastis at iman noache hokma, Auonti yammak ash osh Tali holisso sholi ya imannoachvshke, yohmi na chltoba onttola tok yammak, atobbi hokma, keyokmat, keyokma nana chi hoh kia, holisso apesa i Supaintentent at aiinomaka pesat ahlopulli cha chi aiittitakla ka Tali holisso hohltina yammak okang Tali holisso sholi yat imi ha la lashke.

SEK. 7. Chahta alla holisso pisa poyutta kat, holisso apisa nana ho Nishan yakni chlpesa misha gashaka yo apesa chi ho pit asha chi hokma, keyokmat Nitishan annaka ilappak inli kanimma ho holisso apesa nana ho apesat moya ka. Nishan at imatobbi keyu putta ka, hushi achaffa kat \$2 ia ho imahltoha kat. Chokka lokoli holisso apisa apissali ho apisa kak inli ho aiittilaih mako. Holisso pesa chi yat ahaka aiahlpiisa bohle ka aiahli obltokoa

hokma. Uhltih Kanimma hō holisso pisa yat amaiya hotokma yamma im ai Uhltih i Cholastis at atobbashke.

SEK. 8. Nan ahlpesa hat mōma, keyokmat nan ehlpesa ha akashapa hokma, nana hosh tisba ka ahlpihisa tok osh, himak nan ehlpesa ilappat aiatahahli ka Kaniohmit ai im asanali hokmat yammato ilappak atukma aiakshoshke. Mikma nan ehlpesa ilappat hlopulli ka aiahlit himak pila ha aiahlit holittopashke.

J. B. JACKSON,

Holisso Apisa i Kamitti Pihlichā.

Aiokpachi Nofimba, 9, 1881.

J. F. McCURTAIN,

Chahta Okla i Miko Cheto.

BILL NO. 22.

Tishila chi Yakohmushke, Achi:

Chahta okla i nan apisa ittanaha cheto ittafamat chiiya ka yakohmushke. Himak nan apisa okla ittafamat chiiya tok at Nofimba nitak 12, 1881. Tobokoli ikonq hashi Kanalli 10 ma tishilashki. Himakma yakohmushke. Anumpa ilappat hlopulli hay at yamma aiahlit ia kat aiahlit holittopashke.

JOHN WILLIAM,

Anumpa Bohle.

Aiokpachi Nov. 10, 1881.

J. F. McCURTAIN,

Chahta Okla i Miko Cheto.

BILL NO. 23.

Nan apisa ittanaha chito okla hash chiiya ma:

Okla i Tali holisso sholi C. E. Nelson at Tali holisso ahoyo imafammi 1881 July, 31, ont aiahli ka, nan annoa bohle na, hachi Kamitte yatukma ibbak foka tok at, Tali holisso shole yat nan annoa bohle tok a aiahliisa buno hakinli tok a nan annoah ha chi bohlishki. Yohmi hakinli kia nan ahltoka yosh nan ai isht ahantt kanq. Nana i hlakoffi yome kat ashq hekeyu kia ash shachi tok a ashash ke. Yakohmi Tali holisso ishit hoyo toklo kat \$22.00a

Kak osh moma mak atuka, yamma hetokla holisso fokke tok. Anonte inlaka Tali holisso sholi i Holisso chi yat Tali holisso ishit hoyo yat yammak fok ka ahnit nan annoa bohle tok a yamma hohltina ka atampat annoa tok. Yohmi hosh \$32.00 ka nishan a ahka imikbi tok. Yohmicha Tali holisso sholi nan annoa bohle ka isht ikaloto ketok, pit aiina kat \$3,901. Micha Stringtown nan aiittahobbi yat \$112.90 ilappa to nan annoa ya ibafoka tok keyu; yohmikmat Tobuksi Kannti Sheriff at Secanna ya Tali tobaksi ahltoaba ai ittahobi ka \$89.65 ka ilappat nan annoah ha ibafoka tok keyu.

Tali holisso sholi yat nan annoa bohli tok a hohltina moma apisa ka \$37,350.57 ilappak atoko, hohltina moyoma kat \$41,487.12 ilappak osh himak pila ahika toba nan isht annoa chi hosh ittolashke.

Anonti Sheriff ai ilaiyokali kat nan ittatoaba ahliha nan ahltoaba kahpoli ka ai im aiishit Tali holisso sholi ibbak fokit holisso Kas-hofa isht im aiishi tok nan annoa kia ikottano, keyok mat Tali hina abaiya ka iti ya aiishit shalit Nishan a akochichi tok, ahltoaba akah-poa tok nan isht annoa kia Tali holisso sholi yat nan annoa bohle tok a aiottani kat iksho kito a hachi Kamitti yatuk mat himak ma ottanichit anolishki. Yohmik mat tikba nan annoa bohli chatoka, nan ilappa isht annoa yat ottani kat iksho hatoko hachi kamitti yat himak ma, illappak atokma anoli cha. Yakohmushke achi yakohmi ka holitobbichi hok bano ahnishka.

Yakohmushke. Okla i Tali holisso sholi hekeya hatok mat. Nan ahltoaba abekiat ishit mihinti tok aiahi kat, nan ittatoaba ahliha hat ahltoaba kahpoli, sheriff ahliha hat ahltoaba yamma ai anohwa toko aiimai ihishi tok putta kat, iskalli, keyokmat "Wallent" okma nana ho aiimai ihishi tok putta kat nan annoah ahltoakowa micha nan annoah alota achok ma ka nan apisa okla ittafama itiya kayakma i bohla he at ilappak atokma imannoashke. Yohmikma yakohmushki; achi ilappato, Tali holisso sholi yat nan annoa bohli tor ano, aiabl piisa tok, ahnit holitoblichishki.

J. B. JACKSON,

Tali holisso ai imma i Kamitti Pihlich.

Aiokpachi Nofimba 10, 1881.

J. F. McCURTAIN,

Chahta Oklo i Miko Cheto.

BILL NO. 24.

Okchamali Kaṁti anukaka Loring Precinct at Kanallit Ephesis ai itanaha choka aḱo hilichi Nan chlpesa :

SEK. 1. Chahta yakni nan apisa chiiya ka yakohmit chlpeshke. Okchamale Kaṁti anukaka Loring Precinct hobchifo elikshan isht aiasha chatuk micha chuka lokoli holisso apesa chatok aiina kat Ephesis aiittanaha choka aḱo pit kanallashke. Yohmi cha himak pilla mahaya ka Ephesis Precinct hobchifo hashke.

SEK. 2. Achakaya ka yakohmit chlpeshke. Nen chlpisa yat tikba ka ahlpisa tok moyoma Keyokmat Kashapa moyoma hokat nan chlpesa ilappa i sanali hokat kobafa hoke. Yohmi na nan chlpesa ilappat hlopulli makinli hosh holetopa cha kallo kat aiahlashke.

ALFRED WRIGHT,

Anumpa Bohle.

Aiokpachi, Nov. 10, 1881.

J. F. McCURTAIN,

Chahta Okla i Miko Cheto.

BILL NO. 25.

CHAHTA TAMAHA, C. N., Aktoba 26, 1881.

Nan apisa okla hash chiiya ma :

Nishanal "Atita" yat nan annoa bohle tok o yammak atok mat hachi Kamittii ibbak foka tok a mihmak atok mat aiahlpisa bano tok a akostiminchit ilanolishke, amba afammi ushta ant ia tok aiahli, shalif ahliha hat ittatoba ahliha ha ahltoaba aiima hoyo tok osh atobbi tok a hohltina moma anolet nan isht annoa bohla he tok ak illa hosh ika hloshke. Yohmi hosh yakohmushke achi yakohmi ho aiyakay at nan annoa ilik bishki.

Himak ant isht aiopi afammi oshta tok aiittin taiakla 1881. Cholai 31 ant taha tok aiahli ka, shalif ahliha hat holisso ishit ittatoaba ahliha ha, ahltoaba atobbi ka ai ishi tok osh. Okla i Tali holisso aiittola ya pit imatabbi tok, micha shalif kanimma hosh nan ahlpesa yat ai imiha yatuk a atobba hetok at ikahlo tok aiina ka aiinni chit "Atita" yat, iskali poyutta, keyokmat "Wallent'l okma nana ho okla i Tali holisso aiittola ya shalif at aiimatohobi tok

moma ka nan isht annoa aluta ka. Himak nan apesa ittanaha chito itiyakaya ittafama ka ibohlashke.

Chahta okla i nan vhlpisa patta 247, micha 248. Sik shan 12 kat nana ai isht atta be, im aiahlpesa i bihlipli ya. "Atita" yat aiahlichet isht ahlopulli cha chi kat ilappak atokma ai im ulbachishke.

"Atita" yat nan annoa bohohli tok a paknaka takali ka aiina keyu hokano, nan annoah ahlpisa bano makq ahnit holitobli chishki.

B. J. PICKENS,

Tali holisso aiimma i Kamitti Pihlich.

Aiokpachi Nov. 10, 1881.

J. F. McCURTAIN,

Chahta Okla i Miko Cheto.

BILL NO. 26.

Chahta, Tamaha, C. N., Nov. 7, 1881.

Nan apisa okla chiiya ma:

Chahta okla nan isht imatta J. S Standley yat afammi 1881. Cholai 31 taha ant ahli ka nan isht annoa bohli tok o hachi kamitti atokma ibbak foka tok at nan annoa ahanchi yammata aiahlpesa bano tok a holitobbichi hokbano ahnishki. Yohmikmat anumpa it iyakaya takali ka holitobbichi hokbano ahnit himak ma ahnishke.

Chahta okla i nan apisa ittanaha cheto ittafamat chiiya ka yakohmit vhlpesushke. Talli hina ya Itti patassa ai imatahla chi putta ka, himak pila ha nana ittım apesa poyutta kat. "Okla nan isht imatta yat," Chahta okla iba hohltina ak illa ho apissalet nana ittım apihisa chi kat illappak atukma ai im annoashke.

B. J. PICKENS,

Talli Holisso Aiimma i Kamitti Pihlich.

Aiokpachi Nofimba 10, 1881.

J. F. McCURTAIN,

Chahta Okla i Miko Cheto.

BILL NO. 27.

CHAHTA, TAMAHLA, C. N., Nov. 9, 1881.

Nan apisa okla hash chiiya ma :

Holisso apisa kaniomi ka aheka ashā tokā, anumpa yammāt hachī kamitti yatokma ibbak foka tok at, anumpa yammak atokma. Yokohmashke achi, it iya kāya ilappakō nan annoa hoka ilikba he at ilahnishke.

Holisso apisa kaniomi ghika ashā tok ā Uhltih atukla, micha Atochira aiina I Cholestis hiili tok mat imatobba chī hō yakohmashke achi at imapesa.

Chahta okla i nan apesa ittanaha cheto ittafamat chiiya ka yakohmashke. Kamishi Kaunti anuekaka Kinta bok holisso apesa ya hashi tochina, yammāt Nofimba 29, 1880, heket ia hosh Feboali 18, 1881, akō ont ahli ka. J. N. Smith at holisso pesachi tok \$125 hosh takali.

Micha Miss Amelia C. Butler yat okchamali kaunti anukaka Durant Station Chokka lokoli holisso apisa ya holisso apesache tok, yammāt Chanoali 3, 1881, heket ia hosh April 6, 1881, ant ahli tok hashi tochina holisso pesache tok ā \$84.60 hosh takali. Michā Miss Sophia McNair micha Mrs. M. S. Hotchkin ittatoklo kat Caddo chukka lokoli holisso apisa ya Feb. 28 heket ia kat May 31, 1881, ont ahli ka holisso pisachit okla tok ā \$137.50 hosh takali.

Yakohmi hō. Afammi olbal ash nan isht ahlpisa tok atampa nan isht ik ahltobo ittonla kako akuchi hosh. Uhltih atuchina i Cholestis at imatobba he at illappak atokma iman noashke. Mikma Choahla Kaunti anukaya Davenport i choka choka alokoli holisso apesa ya Salina Yakambi yat hashi tochina chī ka nitak hollo a chaffa hosh isht ikono hō holisso apesa che tok ā, himak afammi mahaya ka. Uhltih atokla ahanchi, chukka lokoli yat holisso ishit pisa chī hō nan isht ahlpesat ittola tok akō, akuchi hosh. Uhltih atokla i Cholestis at \$77.70 ka imatobba chī kat ilappok atukina iman noa hakin lishke. Mikma yakohmashki achi ilappat ahlopull ka aiahlit ia kat aiahlit holittopashke.

J. B. JACKSON,
Miko im anumpa i Kamitti Pihlichī.
J. F. McCURTAIN, P. C. C. N.

BILL NO 28.

Chahta Nishan anukaka, Chukka lokoli holisso apesa poyutta ka, holisso pisa ahliha hat apisa chi mako Holisso aiittiyakaya ainoškoboka ka nan ohlpesa yat atokolichet aiatable.

Chahta okla i nan apisa ittanaha cheto ittafamat chiiya ka yakohmit ohlpisashki. Chahta Nishan anukaka chukka lokoli holisso apisa poyutta kat, yammak osh ananih cha chi mako Mr. Van Antwerp, Bragg micha aiitta pila ainat New York micha Cincinnati aina ka holisso aiittiyakaya ainoškoba yakymi ka holisso ha ikbi atok ilappako. Nan ohlpesa yat aiitok olet ilappak atokma aiatahlishki, yakohmi:

Harvey I holisso, holisso chi hosh spill amiha.

McGuffey, " Spell amiha, micha aiittim anompole.

Rays, " Na hohltina himona.

Harvey, " Anompoli. holisso chi aina aiithana (ohlpoksia tok.)

U. S. nan isht anoli holisso, aiitokolichet akuche tok.

Standard Registers, (Holisso pisachi ahli ha immi.)

Chahta Definers.

SEK. 2. Ilap im ai Uhltih aiyyukali ka kanimma yo holisso a'oyo ohlpesa moma i shahli ka toklo, keyokmat tochina kanimma kat ahiohli na, holisso pakna anno howa tok ilappat aiasha chi ka. Uhltih Cholastis ahliha hat ahoyot pesa he at ilappak atokma imahpesashke. Mika Chokka lokoli holisso apisa ya'ok mat holisso ahanchi yammak ash okla isht imohltahashke. Mikma holisso pesa chi yat-hashi tochina aiuka nan annoa kahpoli kat anompat aiitti yakaya a chok ma ho atahahla chi kat holisso atakohli che ma holisso pesa che aiyyuka kat okla ishashke. Mikma anumpa ilappat ahlpisat hlopulli makinli hosh, himak a aiahlit ia kat aiahlit holit-topashke.

J. B. JACKSON,

Holisso Apisa i Kamitti Pihliche.

Aiokpache 10, 1881.

J. F. McCURTAIN,

Chahta Okla i Miko Cheto.

BILL NO. 29.

Nan apesa okla chiiya ma :

Tali holisso \$19,000 Missoli Bonds at 1873 ash ont imatahah tok imma anumpa ho yamma itokowa Miko Cheto im anumpa hatokmat hachi kamitti ibbak foka tok mak osh, yammak ash afanali chet pim ahltaiyaha mat. Unailit Stits Kafiniment at yammak atok a falammit iskali isht atoba chi ho Bohli tok o yammako afammi aiyuca ahltoya ya Kafinmint ahanchi kat isht pim atohobe kat. Bonds ahanchi tok ash ahltoya he ont aiablpesak ma, atobbi. Kat James Thompson at nan ohtoka, Tali holisso sholi hikiya na afammikma aiabbi yoh bika tok at misha yo atobbishke.

B. J. PICKINS,

Talli holisso ai imma i Kamitti Pihlich.

Aiokpachi Aktoba 20, 1881.

J. F. McCURTAIN,

Chahta Okla i Miko Cheto.

BILL NO. 30.

Nan apesa okla chiiya ma :

Okla moma i holisso apisa i Supaintentent micha Uhltih Cholastis ahliha aaina nan annoa kahpoli tok o yammak atukmat chi kamitti ibbak foka tok at moma kat ohlpisa micha aiok panchi bano tok a ilanulishki.

Uhltih ammona I Cholastis Ellis Austin at afammi olbal ash tali holisso nan isht ohlpesat tokat, nan isht ikahltoya moma hosh himak a atampat ibbak foka kat \$1,013.30.

E. W. Tims Uhltih atukla i Cholastis ato nan isht ikatobbo yat atampat ibbak foka kat iksho; Uhltih atuchina i Cholastis Isaac McClure at afammi olbal ash, nan isht ohlpesat ittola tok at nan isht ikatobbo moma hosh himak a atampat ibbak foka moma kat \$2,113.40. Afammi Ulbal ash nan isht ohlpesat ittola tok a nan isht ikatobbo moma ho himak a ibbak foka kat \$1,010.41 hosh. Okla moma I holisso apesa i Supaintentent Allen Wright at ibbak foka moma.

J. B. JACKSON,

Holisso Apesa i Kamitti Pihlicht.

Aiokpachi, November 11, 1881.

J. F. McCURTAIN,

Chahta Okla i Miko Cheto.

BILL NO. 31.

Caddo Chokka lokoli holisso apesa ya Miss Shook at holisso apesa chi tok a imatobba chi. Yakohmashke ache:

Chahta okla i nan apisa ittanaha cheto ittafamat chiiya ka yakohmashke. Miss Dona C. Shook at Caddo Chukka lokoli holisso apesa ya Sept. 6, 1880, heket May 31, 1881, ont ahli, holisso pesa-chi tok at \$277.60 kat imahltoaba chi ho ilappak atukma nan isht vhlpesat ittolashke. Yohmihatoko holisso apesa i Cholasti. Uhltih atochina i Cholastis at afammi albal nan isht vhlpesat ittola tok ako akuchit. Tali holisso hohltina pakna takkali hatokma atobba chi kat ilappak atokma imahlpesat imannoashke. Yohmi cha Miss Shook ahanchi, holisso apisa imahika yatok a ishashke.

B. J. PICKINS,
Anompa Bohle.

Aiokpachi Nof. 11, 1881.

J. F. McCURTAIN,
P. C. C. N.

BILL NO. 32.

W. P. Morris, at imahltoaba chi, yakohmashke a chi:

Chahta Okla i nan apisa ittanaha cheto ittafamat chiiya ka yakohmashke. Shoka Lof Kaunti anukaka afammi 1880 ka Choka alokoli holisso apisa apisachit ahanta tok a Tali holisso atamepat ibbak fakat annoa tok ako akuchi hosh. Mosholitabe Uhltih, Uhltih Cholastis atokmat \$48 ka W. P. Morris a imatobba chi Kat ilappak atokma imahlpesaske.

Himakma yakohmashki, yakohmashki achiilappat hlopulli hayat himak a aihlit ia kat aihlit holittopashke.

ROBERT BENTON,
Anumpa Bohli.

Aiokpachi Nofimba 11, 1881.

J. F. McCURTAIN,
Chahta Okla i Miko Chito.

BILL NO. 33.

A. Emerson Folsom at i Tobaksi akulla ya talli hina filammī chi yokma, keyukmat iti chanalli anowa ya ikbit isht ona he at imahlpesa ka nan ohlpesa yat imissa. Nan ohlpesa.

Chahta okla i nan apesa ittanaba cheto ittafamat chiiya ka yakohmit ohlpesashke. A Emerson Folsom Chahta Nishan Okchamali kanuti aiananta yosh i Tobaksi akula at Durant Station i hashe akuchaka imma kowih untochina fokka, micha M. K. & Texas Talli hina bachaya ka abaiya ka aiimma hekia ho. Talli hina filammī chi hokma. Keokmat itti chanaha anowa yokma nana ho ikbit i tobaksi akola ya isht ona chi ka im vi ahlpisa ka, ilappak atukma ai imissoshki.

Yohmi hakuili kia A. Emerson Folsom at Tallihina filammī chi ka Chahta iba hohltina keyu yokano, ipota he key uk mat, anonti iki kacho kashke. Yohma hetok osh Talli hina filammī chi ahān ch kash i pota, Keyokmat i Kanchi Kanim ma hokmat, yanmak atuki mat pilla i Kaniashki Mikma Pati achaffaknia. Keyokmat Pati achaffa ka atampa hosh chumpak ma. Keyukmat pota hokma nana tok oh kia kaniohmit yamma halalla he at im ai ahlpesa keyu hashke.

Anompa ilappat hlopulli ka aiahlit ia kat aiahl et holittopashke.

J. W. EVERIDGE,

Anompi Bohli,

Aiokpache Nofimba II. 1881.

J. F. McCURTAIN,

Chahta Okla i Miko Cheto.

BILL NO. 34.

CHAHTA TAMAHA, C. N., Nov. 10, 1881.

Nun apesa okla chieya me:

Chahta Nishan Anukaka ya ahltakla i Holisso apesa yat nitak chiki aiittin takla ho hikia chi hoh kia, yammat hekia hi a Miko cheto yat yakohmik bano ahni tok aiimma anumpa hat hachi kamitti ya ibbuk foka tok at, yakohmashki ache it iyakaya ilappako chi bohlishki.

Chahta okla i nan apisa ittanaha chito ittafamat chiiya ka yakoh-

mashke, Nitak kaniohmi fokka, aiahli ho vhtakla i holisso apesa yat Spinsa Ekiatme Sepokni ya ahekia he a ahmi mak osh, aboha yomi tak at ishtkahlpoksia chi ka holisso opesa imis kalli Tali tobaksi ahtoba apinti ako akuchi hosh tale holisso \$1,000 ka ilappak atokma nan isht apisat bohlishke. Holisso, apisa aboha apoksia cha chi kat, Jones imaboha Sepokni, micha McKinney imaboha aiina kako. Yohlicha, yammako itti basha ai ishi hosh, holisso pesa ahliha, holisso pesache ahliha, micha Supaintentent aiina kat aiasha chi ka. Supaintentent imaboha Pitchlynn micha Armstrong aboha aiina kaisht aiiskashki. Ahoponi micha aiimpa aboha aiina kanq ilappak foka kat ahlpesa ahni hosh apoksia-chashke.

Aboha ahlpoksia chi, ahanchi ka Cholasti okla hiili kak osh nan ittim apisa kat 1882 Septimba Manti ammona ikaingq ho aboha aiiskat tahla chi ho yammak osh aiahnit imissasleke.

Atokmat yammak osh Satifiket a okla is't ai im ikbi bokma. Yammak ash aiyyakayat "Atita" yat Tali holisso is it hoyo ya isht aiimashki. Mikma Tali holisso sholi yat yammak atokma atobbushke.

Holisso apesa i Cholastis hiili ka i Sapaintentent at ayohma he at im ai ahlpisa cha. Nan aiapesa Sepokin aboha. "Nani Waiya" yat Kaniohmi fokka Ittialla hinla, Keyokmat yamma abilikā Kanima kia, Chahta vhtakla holisso apesa ya chi ho, ahilicha hinla ka inlaka ya aiakostininche tok osh. Nan apisa ittanaha cheto it iya kay a ittafamak ma, yammak atokma, nan annoah i bohlashke. Mikma yakohmas hke ache at Ahlopulli, ka aiahlit ia kat aiahlit holittopashke.

J. B. JACKSON,
Chm'n Committee on Schools.

Aiokpachi Nofimba, 11, 1881.

J. F. McCURTAIN,
Chahta Okla i Miko Cheto.

BILL NO. 35.

Spinsa ekiatmi sepokni ya ahtakla i holisso apisa ahilicha chi nan vhlpisa:

Chahta okla i nan apisa ittanaha cheto ittafamat chiiya ka

yvkohmit vhlpisashke. Afammi 1882 Septimba manti ammonakma, micha yamma misha ont iya hayano, Spinsa Ekiatmi sepokni ya vhtakla i holisso apisa yat nitak kanio' mi fokka aiahli ho hekeya chi hosh yamma aheka chi hoke. Yohmi cha Chahta vhtakla I holisso apisa achit ho chifot isht aiithaiyana chi hoke. Yohmikmat holisso apisa ahanchi kat nan isht atobba he asha kat isht afama chi ka. Holisso apisa i Tali holisso tobakse ahltoba aminti ako akucha hosh Tali holisso \$3,000 kat ilappak atukma nan isht vhlpisat ittolashke.

SEK. 2. Holisso apisa i Cholastis okla hiili hatok mat ayohma he at im aiahlpisa cha. Chahte vhtakla holisso apisa ahanchi ka apihlichit iisha chi ka, "Board of Missions" hiili ka kanimma kia nan ittim apisashke. Yohmi kat nana ittim apisa kat nana kat Spinsa ekiatmi, micha New Hope Seminary ya nana ittim apisa kat nana kat Kaniohmi ha he, micha nana ka Kaniohmi hokmak ahe o nana ittim apisa tok akinli ahoyolba ho ittim apesak mat, Tali holisso hohltina tikba aihltaha tok ako aio hekia hashke.

SEK. 3. Uhlth Cholastis ahliha hat ahltakla holisso pisa pokoli tochina ka aiowa chashke. Uhlth aiyuka ka pokolet akuchashke. Iklanna kato alla nakni okma, anonti iklanna kat alla tik ashke. Micha Ahltakla ahanchi i holisso apisa yamma apesa chi ho aiowache kat alla yat afammi 6 micha afammi 13 aiina kak ashke. Atuko holisso apisa, ahanchi yammako ahanta na tik atok mat afammi 16 ka ona hokma. Nakni atukat afammi 18 ka ona hokmak ashke. Atokma ahltakla holisso pesa ahliha hash, ahltakla i holisso apisa yamma aiahantat ont table hoh kia, nana ithana he at anokfoka micha nana aithana chaha i shohle ka himak ma mahaya he oka aiahni hokmat, alla holisso pesa inla yat, Stits holisso apisat aiittanowa chatuk a im aiahlpisa kat aiittilanoshke. Mikma nan vhlpisa ilappat ahlpisat hlopulli ka aiahlit ia kat aiahlit holittopashke.

J. B. JACKSON,

Holisso Apisa i Kamitti Pihlich.

Aiokpachi Nov. 11, 1881.

J. F. McCURTAIN,

Chahta Okla i Miko Cheto.

BILL NO. 36.

Stits anukaka alla nakni micha alla tik aiina holisso apesat maya kat hohltina kat ittilana chi nan ohlpesa:

Chahta okla i nan apisa ittanaha chito ittafamat chiiya ka yakohmit ohlpesashke. Alla auahtoklo kat himak a Stits anukaka holisso pesa hosh maya, yammat nana ahltoaba Kahpoat ittahoba yako, holisso ishit pisa ahnit isht ithaiana ho ahashwa "Yamma" akashapa ammona hannali kat holisso apisa ya afalamat alah mak-inli ho isht ik aloto, takali ka alla tik oko isht alotola he at. Okla moma i holisso apisa I Supaintentent at ilappak atukma aiim ohlpesat im annoashke.

J. B. JACKSON,

Holisso Apesa i Kamitti Pihlich.

Aiokpache Nofimba 11, 1881.

J. F. McCURTAIN,

Chahta Okla i Miko Cheto.

BILL NO. 37.

Milishia, Issobobinili ahliha chomi nan isht ima kania tok, micha kaniohmi hosh imahltoaba chi ka yakohmashke ache at Imissashke:

Chahta okla i nan apesa ittanaha cheto ittafamat chiiya kat yakohmashke. Sans Bois, Skallifil, micha Shoka lof Kaunti I Milesia ahliha Issobobinili hacheto ahliha aiina ka Chon 21 micha 25 heket Sept. 9, 1881, yammak fokali ont aiahi tok a nitak achaf-fakma \$2.00 aiyyat ia hosh imahltoaba chi ho, isht imahltoaba chi ka Tali holisso nana hosh nan isht ikahlpeso keshu yat ittonla hokma, akuchet \$4,000 ka ilappak atukma nan isht apisat i bohli-shke. Michu nana s'alit tok at ahika yat annoa tok pit am-oma hashke. Satifikits, micha ahaka yat asha moma toko hayaka chi hokma, "Atita" yat "Wallent" a isht aiima chi ka ilappak atokma aiim annoashke. Mikma mihmak atukma, Tali holisso sholi yat atobbashke Mikma yakohmashke ache ilappat hlopulli ka aiahlit ia kat aiahlit holittopashke.

B. J. PICKENS,

Kamitti Pihlich.

Aiokpachi, Nov. 11, 1881.

J. F. McCURTAIN,

Chahta Okla i Miko Cheto.

BILL NO. 38.

Nan apesa okla hosh chiiya ma :

Tobaksi Kaunti i Shalif at Sept. micha Aktoba hashi, 1880 anukaka Savanna tobaksi Akula ya ahltoaba ahoyot ittahobi tok. Michan Chan A. Dillon at Aktoba hashe, afammi 1880 ka Stringtown a ahltoaba ahoyot ittahobi tok, ittatoklo nan annoa bohle na, hachi kamitti ibbak foqa tok a, yammak atukmat aiahpesa tok a ilanola be oka ilahnishki, micha yammak atukma aiokpachi hokbano ahnishki.

B. J. PICKINS,

Tali holisso aiimma i Kamitti Pihliche.

Aiokpachi, Nofimba, 11, 1881.

J. F. McCURTAIN,

Chahta Okla i Miko Cheto.

BILL NO. 39.

Himak afammi mahaya holisso apisa nan isht atobba chi ho yokohmashke ache at nan isht apisat i bohle :

Chahta okla i nan apisa ittanaha chito ittafamat chiiya ka yokohmashke. Holisso apesa i tali holisso mako. Nan isht ohlpesat ittola, it eyakaya, yakohmi hosh ilappak atokma itolashke. Yakohmi :

New Hope Alla tik holisso apisa ya, \$5,000.

Chukka lokoli holisso apisa, Uhltih aiyuka ka, \$5,000-\$15,000.

Okla moma i holisso apisa i Supaintentent, iskali isht ilapilachi, \$623.00.

Miss Belle Sims, holisso pesache isht imahltoaba, \$110.90.

E. T. Bowman, holisso pisachi isht imahltoaba, \$44.00.

Miss Belle Sims, holisso pesache at imahltoaba chi ho nan isht ahlpesat taha tok ang, afammi olbal ash, iskali nan isht ohlpesat taha tok, nan isht ikahltoaba atampat ibbak foqa moma tok akuchet Push mataha Uhltih ha, Uhltih i Cholastis ak osh isht imatobbashke. Mikma E. L. Bowman a imattobba chi ho \$44.00 kat nan isht ohlpesat tok a, afammi olbal nan isht ahlpesat ittola tok atampa, nan isht ikahltoaba ibbak foqa kako akuchet Mosholetabe Uhltih i Cholastis at im a tobboshke.

Yohmikma Silaini Yakambi at holisso pesa che tok a Uhltih

atukla i Cholastis at himak afammi nan isht uhlpesat ittola tok ako akucit \$77.70 ka ima toba chi kat inuhlpiashke. Mikma yakohmashke ache ilappat ahlopulli ka aiahlit ia kat aiahlit kallot ittoyolashke.

J. B. JACKSON,

Holisso Apisa i Kamitti Piblichu.

Aiokpachi, Nofimba 11, 1881.

J. F. McCURTAIN,

Chahta Okla i Miko Cheto.

BILL NO. 40.

Nana aijtokoia isht imatta yat, Washintan a ona cha Tali hina anumpa atakale ka isht ahanta chi nan isht atobba chi ho, yakohmashke ache at imatahli:

Chahta okla i nan apisa ittanaha chito ittafamat chiiya ka yakohmashke. Miko cheto yak osh, Nan itokoia isht atta ya che ka atokoli hokma Washintan a ona cha, Chahta micha Chikasha okla aiina kat, Tali hina okla M. K. & T. aiina kat ahika imasha ho, anumpa ono chit ahika atobbi cha chi kat laya ishit tohna chi, uana isht atobba he aiahlpisa ka, Tali holisso nana hoh kia nan isht ik ahlpiso kisha kat ittola hokma akuchet \$350.00 ka ilappak atokma nan isht apisat i bohlishke. Yammak okano yohmi hakinli kia "Nan isht imatta" ahanchi hatok mat, nana hosh isht ima kanibeya tok aijtokoia poyutta ka Miko cheto yat nan apisa ittanaha cheto it iya kaya ashakma itikba i bohla he a, nan annoa ha Miko Cheto ako ibohlashke. Miko Cheto yak osh yohma he a ahni ho, aiyakayat ilappak atokma "Atita" yat i "Wallent" atokma ikbit isht aimmashke. Mikma Tali holisso sholi yat yammak atokma ato'obashke. Mikma yakohmashke ache ilappat hloppulli ka aiahlit ia kat aiahlit holittopashke.

SAMSON HOLSTON,

Anompa Bohle.

J. F. McCURTAIN,

Chahta Okla i Miko Cheto.

BILL NO. 41.

CHAHTA TAMAHA, C. N., Nof. 8, 1881.

Nan apisa okla hash chiiya ma:

Unaitit Stits at chahta okla ha ahika imitakali ho Yunaitit Stits I Koat of Claims itikba ahika aiatobbichi bannat anompa aionochit isht ahanta kat nanihcha chi mak osh \$3,000 kat tikbanli im ahltoha he ahnit Mr. John B. Luce at anompa bohohli ma yammak atukma Miko cheto yat aiokpachit yamohmi mahlik hano ahni ho, anompa yammak, hachi kamitti atokma acha kat ibbak foka tok at, yakohmashke achi, it iyakaya ilappat hlopulli. hokbano ahnit aiokpachishke.

Chahta okla i nan apesa ittanaha cheto ittafamat chiiya ka yakohmashke. Chahta okla imaheka (net proceeds) hashi okuchaka yakin ahlpisa, micha olbal ihlpita yahi tok, aiina ka Unaitit Stits okla ha aheka aionghonchi tok o, himak a Yunaitit Stits i Koat of Claims itikba takkali ka, ahika anompa ittonla ka nana aiilayuka chit isht ai imahltaha chi kat Tali holisso nana hosh, nan isht ik ahlpeso kisha yat ittonla hokmat akochat yammak tikbali isht imahltoha mak \$3,000 kat John B. Luce a isht imahlpisat ittolashke. "Net Proceeds" aheka ahanchi hatok mat ahltoha hokma per cent. 5 ka aiisha he attok ak akuchi hosh tikbali imahltoha tok ilappat Chahta Nishan a i falam micha he, oke.

Tali holisso hohltina ilappa afoyokat nan isht ohlpesa tok a "Atita" yat "Wallent" isht ai ima he at ilappak atokma ai im annoashke. Mikma Tali holisso sholi yat yammak atukma iakayat imatobbashke. Mikma yakohmashke achi ilappat ahlopulli ka aiahlit ia kat aiahlit holittopashke.

B. J. PICKENS,

Talli Holisso Aiimma i Kamitti Pihlich.

Aiokpachi Nofimba 10, 1881.

J. F. McCURTAIN,

Chahta Okla i Miko Cheto.

BILL NO. 42.

Miko cheto yat ilap i holisso che apissali ya chi ka atokola he at im ai ohlpiisa ka imissa, micha ilap i holisso chi yat isht imahl-toba he aiina ka Nan ohlpesa yat imissa:

Chahta okla i nan apisa ittanaha cheto ittafamat chiiya ka yakohmit ohlpesashke. Miko cheto yat ayohma he at im aiahlpiisa cha hattak nan isht itta impunna hinla kana ha ilapo i holisso chi ya chi ho atokolashke. Yohmikmat Miko Cheto ak osh Satifikit ima hokma hashi tochina aiyukakma imahlto hoba hosh afammi achaffak ma \$500 hosh imahlto bashke yohmi cha. Miko cheto ak osh holisso anompa toba putta mikmat nan ahlto ka nan isht ai atta anompa toba he aini poyutta hako isht aiatta ya he imahlpesashke. Yohmi kiya nan ahlto ka hekia kat, anonte himak ma achakalinchit atokoli kiyu hokano Miko cheto ya: ont aiahlto ka nokano, out ik aiyo kashke. Mikma anompa ohlpisa ilappat ohlpesat hlopulli ka aiahlit ia kat aiahlit holittopashke.

SAMPSON HOLSON,
Anompa Bohle.

Aiokpache Nofimba 11. 1881.

J. F. McCURTAIN,
Chahta Okla i Miko Cheto.

BILL NO. 43.

Nan aiapesa aboha ya himonachit ompohoma chi ho yakohmashe achi at imatahle:

Chahta okla i nan apisa ittanaha cheto ittafamat chiiya ka yakohmashe. Miko cheto at ayohma he at im ai ohlpiisa cha. Kana hosh iyalli iklaui cho miha, micha nana ai isht ilimiha achokma i shahli kako. Nan aiapisa aboha ya homa chi ka ittim apesa kat, ahlto ya \$825 ka ont ikaiyo aiinna hokmako ittim apesashke. Aboha achi yammak okat shakolo iti shima choponta hochokma yosh ishit holmo hashke. Ishit holmo ehli folloka kat ohlpoksia aiahlit hlopullashke. Moma ka nitak achi kose makinli ho achokmali aiahlit makosh atahle hashke. Yohmik mat yammak achi ho ittim apesa tok mak aiya kayat, yammak atuk at. Kan- imma kat ikahlto kat aha hokano ikahlto mak, moma kat ont ahltaiyaha hok mak ashke.

Miko cheto ok osh Satifikit a ikbi hokma "Atita" yat yammak atuk mako i "Wallent" atokma ikbit isht aaimashke. Mikma tali holisso sholi yat yammak atokma atobbashke.

* Mikma yakohmushke achi ilappat ahlopulli ka aiahlit ia kat aiahlit holittopashki.

B. J. PICKINS,

Talli holisso ai imma i Kamitti Pihlich.

Aiokpachi Nof. 12, 1881.

J. F. McCURTAIN,

Chahta Okla i Miko Cheto.

BILL NO. 44.

Chahta i yakin anukaka ya kaniohmi kakosh abanumpa isht anompolet ittanoa toba hiya Nan ahl pesa hat imatahli:

Chahta okla i nan apisa ittanaha cheto ittafamat chiiya ka yakohmit ohlpesaahke. Chahta iba hohltina keyu kana poyotta hosh abanumpa isht anopoli, toba cha, Chahta okla ha aiittin takla abanumpa isht anompolet ittanoa banna hokmat, nan isht aiahli ya tikba, abanumpeshe Board hiili Ka kanimma hoh kia, Assosiishan, Conference, ak okma, keyokmat, abanumpa imiksa okla, inla kanimma hoh kia; anomipolit aya chi kat anompa ha im aishi tok mak ashke. Micha nan isht aiahli yamma chomi ka mihyo, ahnit, tikba imahltaha maya tok ash osh imayokpachi, mic' a; abanumpa isht anopolit ittanoa yoke; ahnit ishi; mikmat anompa bohle tok a; Tikba ima'ltaha tok mihyo mayo tok mak osh aiok pachit, abanumpa isht anopolet ittanoa yoke; ahnit ishi tok at; anompa bohohli tok a, anompa ha ishi cha, abanumpa isht anompohonla chi mako. Nan apisa ittanaha chito ya isht imonashke. Yohmik ma nana kat mihyo yomahli; micha aiokpachit yakohmik bano ahni kat, pakna anompa aiatahli tok mako ayamohmi ka; Nan apisa ittanaha cheto yat imahlpisa kat aiahli hokmato, Kana yamma chohni tok ash, Chahta Nishan anukaka ya abanumpa isht aianompoli; mak a chi ho im aiahpiisa ka imissashke. Yammak oh kia Nan isht atta holittopa abanumpa ishi, yammak biika ho apissalit okla ishi aiittin tai akla hok mak illa hashke. Yammak okano yohmi hakinli kia, Kana yamma chomi kash osh abanumpa isht anompoli ako ai ahni, keyokmat abanumpa iishih apissalit

ahanta he atok ash yamma okla yohmi keyn hokato. Chahta iba hohltina keyu inla ashā kat nā hotopa, micha nan isht im palamma ne a, Nan ahlpesa, akaniohma he imahlpisa, micha ilap nan isht aias' a he imahlpisa i tola kā aiinotakat kat aiittilau hashke; yohmikma nan isht im ai ahlpesa imissa tok ilappa afoyuka kat kashofashke. Mikma nan chlpisa ilappat ahlpisat hlopulli kā aiahlit ia kat aiahlit i olittopashke.

J. B. JACKSON,

Miko im anumpa i Kamitti Pihlich.

Aiokpachi Nofimba 12, 1881.

J. F. McCURTAIN,

Chahta Oklo i Miko Cheto.

BILL NO. 45.

Okla hat hina atoksala chi hō, Nofimba 7, 1878, ash aiokpachi tok nan ahlpesa, yammak attuk a Nan ahlpisa hat akalli:

Chahta okla i nan apisa ittanaha cheto ittafamat chiya kā yakohmit ahlpesoshke. Kaunte Chatch ahliha hat, hina atoksali Pihlich ya atokolet Kamish an imatahli cha, shalif ahliha hako ahlopulli chet imanno chashke, Michā okla abinilit aiasha, chok ka lokole kaniohmi aiahashwa tok ak osh hina Kaniomi hō okla atoksala chi, Michā hina atoksale pihliche Kaniomi kak osh yamma apihli chet toksala chi kā imapisat imissashki. Michā yammak atok mā Shalif o ahlopolli chet imannoache hakin lashke.

Hina atoksali Pibliche ahliha hak osh ilap i hina aiyukali atoksala chi tok at, ilap i hina atoksali yachi tok a chaffa kā tohno, nā yammak osh, nitak kanioh mi micha yakin Kanimma yo okla aiittafama chi kā toksala chi tok ahliha hā moma kā imanno chashke. Mikma hina atoksali ya he tok yamma chohmi hosh, nitak Kanohmi hō ayamohmit aya kat, nitak aiyukale kā, nitak achaffa toksala betok ohmit mahayashke.

Anumpa ilappat ahlpesat hlopulli hayat, yamma mis'a mahaya kā aiahlit kallot ittoyulashke.

KAMPILABE, Anumpa Bohle.

Aiokpache Nofimba 12, 1881.

J. F. McCURTAIN,

Chuhta Okla i Miko Cheto.

BILL NO. 46.

Hinak tail hollisso ahoyo imafammi yat Akas 1, 1881, heket m̄inti hosh-Cholaj 31, 1882 ont aiahi aiittinlakla ho, Chahta okla i Kafinmint at aheka nan isht atobbi yo takkala chi mak o yakohm-ashki ache at nan isht ap̄isat i bohle.

Chahta okla i nan apisa ittanaha cheto ittafamat c' iya'ka yakohmaslik. himak tali holisso ahoyo imaf mmi ilappa, Chahta okla hat ahika isht atobba chi ka Tali holisso hohltina itiyak aya takali ilappak oka Tali holisso nana hosh nan isht ikahlpe so keshā yat Tali holisso aiittola ya ittonla hokmat akuc'at ilappak atokma nan isht ahlpesat ittolashke:

Yakomi:

Miko Cheto isht imatobba che	\$ 1,000 00
Holisso chi cheto, "Atita" Micha Tali holisso shole aiina \$600 aiyuka.....	1,800 00
Laya cheto, chatch Ho cheto, \$400 aiyoka.....	1,600 00
Miko chito i holisso chi apissali.....	500 00
Sakit Chatch ahliha.....	1,250 00
Uhttih Miko ahliha.....	750 00
Uhttih i Laya ahliha.....	550 00
"Atita" yat iskali isht ilapila chi.....	100 00
Miko cheto iskali isht ilapilachi.....	418 00
Kaunti Chatch ahliha, isht imahltoha.....	2,400 00
Kaunti i holissoche ahliha isht imahltoha.....	800 00
Shalif ahliha isht imahltoha.....	2,400 00
Sakit Koat i holissochi ahliha isht imahltoha.....	1,200 00
Issobobinili ho cheto.....	950 00
Elekshan i chatch ahliha.....	300 00
Elikshan i holissochi ahliha.....	200 00
Koat Cheto i holissochi.....	100 00
Holisso apisa i Supaintentent Micha Uhttih Cholastis.....	800 00
Choli hocheto, mscha choponta aiina isht imohltoha.....	4,000 00
Shalif at Koat Cheto ya ahantat atoksali.....	50 00
Ok chamali Kaunti, Kaimishi Micha Atoka Kaunti aiina Kat Saket Koat atoksalit maya Kat, Kaunti ilappa aiyuka ka Shalif micha apilachi aiina, moma kat 7 hokano ont iya keyu ho isht imatobbi.....	960 00
Kaunti inlaka yano Shalif micha apilachi ahliha aiina, Kat 5 kano ont iya keyo ho, isht imatobbe.....	1,872 00
Holisso pesa putta ho isht imatobbi.....	26,425 00
Nan apisa ahliha micha Issobobinili ahliha.....	9,000 00
Chahta okla nan isht imatta (National Agent).....	800 00
W. P. Hughes at yoka hi a ahltoha Kahle.....	1,000 00

W. P. C. Duncan.....	500 00
Spinsa Ekiatmi aboha toba che.....	15,000 00
Ahltakla holisso apisa.....	1,000 00
John B. Luce.....	3,000 00
Allen Wright.....	350 00
Alla ahltakla holisso apisa.....	3,000 00
Milishia.....	8,400 00
John Freney.....	79 94

“Ahlkata” Shalif micha apilachi aliliha hat Sakit Koat atok-sali toka isht imatobbi \$2,592 00.

SEK. 2. Himakma yakohmashke, okla i Tali holisso sholi i Holissochi yat ilappuk oka ayohma he at im ai ahlpisa cha, Shalif micha apilache ahliha hat Sakit Koat asha tok a, i satifikit at aiasha moma hokma, Tali holisso ishit hoyo ya ikbit ihima chi kat ilappa aaim annoashke. Mikma yakohmashke a chi ilappat ahlpisat hlopulli ka aiahlit ia kat aiahlit kallot ittoyalashke.

B. J. PICKENS,

Tali holisso aaimma i Kamitti Pihlich.

Aiokpachi Nov. 12, 1881.

J. F. McCURTAIN, P. C., C. N.

BILL NO 47.

St. Louis micha San Francisco Tali hina Kampini y at Chahta yakni ya hina ataye ya isht a hlopulla chi ka im aiahlpiisa ka. Bill a imissa:

Yamohmishke, St. Louis micha San Francisco Tali hina Kampini yat Tali hina ataya micha Tali aianqmpoli aaina ka Chahta i yakni ya imoka mahli micha hashi akuchaka pit aijtjin takla mahaya hosh pit ahlopullit, hina aikkba he oka ahnit anompa bohle tok oke.

Micha, yamohmishki, Hina ataya ya yakni ahanchi ka ahlopulli kat, nana hosh yamma pit aiahalaya hakmat pit aaina ho, Kampini ahanchi kak osh nanih chet isht ayokpa he oka aianni hosh yunai tit stits okat nan isht imaiahlpiisa ya imahayoche banna hatok oke. Mich a yamohmishke Secretary of the Interior yat Uri. J. Baxter yak osh nan isht imatta ahltoka cha anompa yamma Chahta i nan apesa okla itikba i bohlik bano ahnit atokolichi ma Unaitit Stits i Miko atokmat imayakpachi tok, atoko, mihmak atokma anompa ha aiahlit itikba ibohli tok oke.

Micha yamohmishki, Nishan ahanchi ka I Miko Cheto yatok mat yamohmik bano ahni ho, nan apisa okla ahunchi hatokmat, Ellis Choate, Sampson Holson, Thomas H. Byington, J. P. Folsom, Alfred Wright micha J. W. Everidge aiina hosh Nan apisa okla ahanchi ka aminti hosh, Ynnaitit Stits nan isht imatta ahanche, ka nana ittibanukfella chi hosh ahtokaske.

Micha yamohmishki, Okla ahanchi Chiya tok mat ont ittibaj achaffa cha, anompa itiyakaya yakohmi ho itikba bohleshke.

Himak okano Yamohmi hoka. Chahta okla i nan apisa ittanaha cheto ittafamat Cheeya ka yakohmit ahlpesashke. St. Louis micha San Francisco Tali hina Kampini yammak Missouri Uhltih I nan vhlpisa ittoyula ka anutaka hosh. Okla aiittalokkoli, Kampini aiahli mak o ont imahltaiyaha tok hiili hosh Tali hina micha Tali aianompoli aiina aikbit ahlopulla he a aiahni tok mak hina ataya ya ilappak atokma ai imissashki. Hina ataya ahanchi yammak okat Chahta i yakni ya ahlopulli kat patha kat eye tahlipa toklok mat, ont ahika, (Station) aiyukali kano, patha kat iye tahlipa ushtakmat falaya Kato iye tahlipa Sepokni vshta, aiyukat mahaya hosh hlopullashke. Hina ataya ahanchi ka, Kampini ahanchi kak osh, Akinsa Uhltih anukaka Sebastian Keyakmat Scott Kaunti yat aiittatikili fokali Kanimma aiatokolichit yammak o aheket Nishan ahanchi ka amahayat, Chahta Nishan ahanchi ka imoka mahli hashi aiokattola aiittin takla hlopullit mahaya Kat Kanimma Kak osh Texas Uhltih, Paris a pit apissali kat i shabli micha hina ya aikba hinla hokma yammak mahaya chi hoke Hina ahanchi Kash ishit mahayat, Paris Tamaha tikba ka ahanchi kat hina okla ikba hia ahni tok a yammak isht afama, Kanim Mashke.

SEK. 2. St. Louis micha San Francisco Tali hina Kampini yat nana ka Kaniohmi a he apissali anompa ilonochi kat ilapo fibna, vhltohat hiohli, micha imissa tok a hiili aiina kat Chahta okla, ilap iyakni himonasi ai a hashwa Kash fibna ya Moshli chik ma, keyokmat Kaniohmit aiinlache chi banna aiinat aiasha putta ka apilachi, nan im iha, keyukmat apilachit ika hashwo ka he, micha Chahta Neshan a yakni ma himak ma im aiisha he imma ka, im ahnitik a hashwo ka he, keyokmat abinila hi a ik ahno ka he, yamma-no ilappa tikbali aiahltaha tok oka. Nana kat yakohmi hachi ho, Tali hina ataya ya ahlpisa ahnit ishishke.

SEK. 3. Nan ahlpoa poyutta kat aiokpoloka, keyokmat illi Kanimma hokma, Tali hina Kampini ahanchi hatokmat moma ka

atobbashke; mikmat hina ahanchi micha Tali aianompoli bachale aiina hosh nan isht atahla chi ho aiishi, micha yammak ikbi kat isht atahla chi Keyukmat isht aiiska chi ho, aihishi ka ainashki. Mikmat Chahta okla micha i nan vhlpesa ittoyola ka aiyakayat imahltoke aiahlpisa kako tikba ittım apesa toko keyu hokato, nan isht ahltaha chi yamma chohmi ka ikaiisho kashke. Yammak okano yohmi bakinli kia, yakni nana ho hattak ilap achafoa yat Nishan ahanchi ka i nan ahlpesa ittoyola ho aiyakayat abinilit aiasha kat yammak ohchatok makō isht aiahanta toko, Tali hina ahanchi micha Tali aianompoli ya abachalit, aikbit isht aiahanta ho nan ilayak nana ho im aiisha chi. Keyokmat nana kat isht im aiokpoloka aiina ka, Kana hosh abinilit aiasha tok yakni yo hlopulla chi putta ka Tali hina ahanchi kat ik aikbo moma ho ahltobashke. Atoko yohma hetok yoba cha, okla moma ho aiimma hokma, keyokmat ilap achafoa aiimma hokma, nana ho choka nana hoh kia ilapo inli kat aiittım aposkiacha he keyu hok mang, hattok naksika tochina hosh ibbak foka cha vhltoya yamma chohmi ka, ialli imonochit imapesa hashke. Achaffa ka Kamisana of Indian Affairs at hochifokma, achaffa ka okla ahanchi ka I Miko Cheto at hoyokma, anonte achaffa ka, kampini ahanchi kat hoyashke. Yohmik mat "annmpa aihltaha ilappat" Tali hina, ahanchi. Michi Tali aianompoli bachali, aiina kat ikbit isht ia haya. Hina yamma ikbit isht ia, keyokmat achafichi hayokma, nana ho hattok at isht aiokpoloka hokma, keyokmat nan ilayak nana hosh isht im ai akpolokak ma, nana hotokma, anompa yamma chohmi ka pit isht ai inin chit miha hoke

Nan aposkiachi ahliha ahanchi kat nitak achaffak ma Tali holisso Ushta ai yuka hokano ont ia keyu hosh imahltozakmat. Kowih hohltina aiina ma, kowih achaffa ka sent 6 hokano ont ia keyu hosh aiinat imahltozakmi mikma nan anoli ahliha hato, Nishan ahanchi ka I Koat putta ahltoya ya ai, im ahltozak ishi chatok akinli chohmashki ahltoya ya atobba chi vhlpisa tok a Koat imilli ak osh atobbi ho Koat nan isht akania yat aiinat vhltozakmi.

Nan aposkiachi yat ahltoya chi ho apisa tok a atobba hetok at ik aiahlo hokmano, Secretary of the Interior yat ayohma he at ilappak atokma ai im aiahlpisa cha, himakma loak, malili ya ika chafficho ka chi, keyokmat hina ataya ya, himak ma nana isht ika nanih cho ka chi ka ika tablashke. Nicha kampini ahanchi ka nan isht imashwa mikmat kampini ahanchi ka imihltoho ahliha, aiina

ka Unaitit Stits i nan vhlpesa ittim vhlpesa ittoyola ka aiiyakayat nan ataklammi abliha makō chomih chit Nishan ahanchi ka i yakni vhlpesa ya ako cha wihlashki, atokō kampini ahanchi hatok mat nitak kaniohmi foyuk a atobbi hokmak ashke.

Kana hosh nana kat imaiokpoloka tok osh Koat nan aiahlpisa isht ahanta ya Seapila hokbano ahnit anompa ha bohli hokmat nana kat aiahlpisat imahlpisa he at anompa tikba foyuka tok a ilappat pit imainashki. Yohmi cha okla nana ittim akanihmi putta ka Akinsa Uhltih i hashi aiokattola, Unaitit Stits im aihltih Koat hekia kat isht imahanta he at im ai vhlpiisa ka ilappak atukma vhlpesa imahnishki, micha Koat inla Unaitit Stits imahltoka hiili kat, Chahta Nishan i yakni vhlpiisa hattak api homma i Talitole aianukaka ho ahiliche hokma, nan vhlpesa ilappat aiatahahli tok a aiahlit holittopa chi ka, hattak at Chahta iba bohltina. Keyu okla, kanimma hoh kia, kaniht isht aiittimila chi keyu hashke.

SEK. 4. Hina ataya yo imissa tok tikba ahanchi ka yamma aiittanohowa kat, Tali hina Kampini ahanchi kat afam mikma, hashi tochina ai yukali ka Tali holisso bohltina \$500 ka, holisso apisa yosh nan isht ima chokina chi ho. Nishan ahanchi ka okla i Tali holisso sholi ya ima tohobsshke. Atokō ahtoba yamma tikbali atobbi hayano, Yakni ahanchi Kash nan isht im aiahlpisa keyokmat nan isht aiahli inla nana hoh kia ikachowo ho, Amba Tali hina micha Tali aianompoli yat Kanimma yo pit aba chay at abachaya chi ka yakni apisa chi kak illa hosh nan vhlpesa ilappa anutakat aiala hashke.

SEK. 5. Nan vhlpiisa ilappak atok makō nan isht imajahlpisa nana hoh kia awakayat ia chi hokma, yammok atukma Unaitit Stits i nan apisa okla hosh tikba aiokpachi hashke. Atuk osh yammak atuk a i himmak afammi achaffa Anukaka ho Kampini ahanchi hatok mat, Tali hina micha Tali aianompoli aiina kat kanimma yo pit abachaya, micha nan isht aiasha, ataloha ahtokoa isht otanichi holisso (map) ha Secretary of the Interior ya out i bohlashe. Yohmi hakinli Kia hina Kanimma kak osh aiahli pesa ishahli ka aiapissalichit aiiahli tok isht anoli, yakni ya apisa ammona tok (Map) holisso ha, Nishan ahanchi i Miko cheto nan ai islit atta ya ont i bohle ka aiahlit ia kako afammi achaffa aianokaka ho Nishan ahanchi i yakni ya, hina, micha Tali aianom poli ahanchi hatokma aiikbi kat hlopulli chashke. Yohmikma yammok ash osh yamma

aholbat toba ahli ya Secretary of the Interior ya imatah lashke. Hina ataya ilappat ai imohlpiisa haya, ilappak atuk a i himmak o abinili tok, micha nana aiatahle tok osh immi mi a kia yammak okato nana ho keyu hashke.

SEK. 6. Hina ataya ahanchi ilappak oka, Nishan ahanchi ka iba hobltina keyu hokano, Tali hina Kampini ahanchi kat abinili-cha he at im ai ahlpisa keyoshke, Amba Tali hina ahanchi micha tali aianompoli aiina ka aiahlit atahla he aiahlpisa Kampini ahanchi ka i toksali ahliha m cha i chukka chaffa ahliha aiina kak ashke. Yohmicha Nishan ahanche ka, Kana hosh abinilit aiasha he a nan ahlpesa yat imissa yatok chomi kak illashki. Yohmi haknili kia okla (agents) nan isht imashwa, tali aianompoli isht asha ahliha, Nana akocha wihli (Depot) ai i toksali ahliha, micha Tali hina ya abaiachit atoksali ahliha, aiina kak illa hosh, atoksalit ahashwa kia, Chahta iba hobltina keyu Nishan ahanchi ka aiittitakla maya chi kat (Permit) atohbi chatok a yamma chohmi kang ika halayo kashke.

SEK. 7. Akinsa micha Texas Uhltil ittaloklo ka, Keyokmat Kanimampo hoh kia, nana tok sa'ali tok, keyokmat nana aiisht atta yammak inli chomi ka ahtoba ikalauo ho hoyo he nan ohlpisa yat imissa yoh chatok a Tali hina kampini ahanchi yammak okat Chahta Nishan anukaka, nana shale, ahlpoyak shali kanimma hoh kia ohltoba cheto yamma i shalih chit hoyo hekeyu mak oke. Micho Tali hina Kampini ahanche hatokmat, hattak shali ka, micha ohlpoyak shalit kanimma yo out ko chi cha he ahni hokma yamma putta ka shala he at ohlpesa abashki. Micho Chahta i yakni hina abachaya ka kanimma yoh kia ahikit nana shale nana hoh kia Chicago ya isht ona chi ho, nana shaya hetok a afoke tok oh kia, nana afoket isht aya tok mak osh St. Louis akinli ho akocha hinla ahni hokma yamma akochi chi kat, nana shalit isht ia Kat St. Louis ako apissali tok o ont akucha chi ho anompat ahtaha tok akinli ho ittilani cha he at ittibai a chaffashke.

SEK. 8. Nan ohlpesa ilappa Tali hina Kampini yat nana aiitti mai ghla he anompa poyutta, micha anompa ai ohtaha tok foyuka ka, nana isht ik aihlo ka takkali na, uana isht aiokpoloka poyutta yamma isht ahtoba he ohlpesa, Chahta okla hosh nanih chit isht imachuk ma he mak. Tali hina kampini ahanchi hatok mat, Tali holisso hobltina, Tahlipa Sepokni tahlipa tahlipi (\$500,000) Bond a Unaitit Stits ako imilonoche ka Secretary of

the Interior yat imayokpachi cha achokmalit, bohle hok mak ashke.

Kampini ahanche, yamma ahltō bat hi ohli ahliha, micha ahltosholit imissa ahliha aiina ka "Bond" ilappat aiahlit holittopat isht onottoyula chī hoke. Micha afammi tahlapi kat out taha ai yukalik ma, himonachit ihik bashke. Atok osh, Secretary of the Interior, yat yohma he at ahlpisa ahni na, yammak atukma himonachet, ihikbi tok ilappak osh hattak api homma okla hat nan isht im ai achuk ma he at ai atokko, keyokmat Unaitit Stits okla ittatoklo isht ai atokko mak ashke.

SEK. 9. Nan vhlpisa C ahta okla i nan apisa ahliha hat ahlo-pullichi tok a nitak pokoli chakkali anokaka hō, "Kampini tikba ahanchi kat," nana hosh yakokmik mano, achi ilappa afoyoka tok ash, aiokpacha hetok at ikaiahlo hō (Board of Directors) nana im-apissalichi okla hiili tok mak osh "Resolution" o isht ai ikbi chi na, Secretary of the Interior yat. Yakohmi tok oke, (certified) achi cha achokmalit bohli hokma, keyokmat, hina abachaya kat Kaniohmi hō ataloha aiasha poyutta nan isht anoli ya (map) Secretary of the Interior ya afammi achaffa anokaka hō imatahlit bohla he anompa tikba aiahltaha tok a ik aiahlo hokma, yohmik mano nan vhlpesa ilappat Kampini inla kanimma hob kia, kana hosh tikba Unaitit Stits i Miko at ahlpisa ahnit imayokpachi hokmo, yammak imaiahlpisa he a. Nan ahlpesa ilappat miha hoke.

Nan vhlpisa paknaka takali kat aiahli micha ahltokowa hosh, holisso amai asha ittonla ka a holbat toba hoki.

Ilappat nan isht ahltokowa mak o ano Sabbak fihna isht ombitipat Chahta okla im isht i chowa ya atakali chilis ke.

Aiokpache Nofimba to, 1881.

J. F. McCURTAIN,

Chahta Okla i Miko Cheto.

THOMPSON McKINNEY,

Chahta Okla i Holisso chi.

